

Exercitatio academica de sensu naturae circa curationes incongruas et de noxa exinde proveniente ... / a Christiano Friderico Richtero.

Contributors

Richter, Christian Friedrich, 1676-1711.
Stahl, Georg Ernst, 1660-1734.
Universität Halle an der Saale.

Publication/Creation

Halae : Orphanotrophij, 1706.

Persistent URL

<https://wellcomecollection.org/works/uttd2epa>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

EXERCITATIO ACADEMICA
DE

SENSU NATURAE
CIRCA CURATIONES
INCONGRUAS

ET
DE NOXA EXINDE
PROVENIENTE,

Ubi

Ex indole Curationis intrinsecæ seu aytocraticæ, quæ ab ipsa Natura perficitur, nec non ex sensu, quo illa circa medicamentorum administrationem gaudet, ostenditur, quod Curationes extrinsecus adhibitæ congruere debeant cum ista ipsius Naturæ energia : quibus demonstratis fons curationum incongruarum detegitur, & quæ ex illo inconvenientium curationum species promanent declaratur, simulque noxa, quæ ex qualibet earum fuit, tum generalis, tum specialis & specialissima recensetur, nec non methodus medendi, qua damna illa evitari possunt, subjicitur

dirigente

GEORGIO ERNESTO Stahl

D. & P. P.

in forma Dissertationis inauguralis habita

a

CHRISTIANO FRIDERICO RICHTERO

Sorav. Lusat.



HALÆ, Orphanotrophii, A. M DCCVI.

EXERCITIO DE

SENIORUM

CIRCA CURATIONES

INCONGRUAS

ET

DE NOXA EXINDE

PROVENIENTE

Exhibet Cursus in medicina per avocandum ad hunc
modum: In hoc libro, de curacionibus incongruis
et de noxa exinde proveniente, tractatur. In
primis, de curacionibus incongruis, quae sunt
curaciones, quae non sunt secundum naturam
et non sunt secundum rationem, sed sunt
curaciones, quae sunt contra naturam et
contra rationem. In secundis, de noxa
exinde proveniente, tractatur. In tertius,
de remediis, quae sunt contra naturam
et contra rationem, tractatur.

GEORGIO FRATELLO

IN LUCE DIFFUSIONE INVENIUNT LABIUM

CHRISTIANO FRIBERICO RICHTER

SOME LITER.



HALLE, Ophthodochon, A. M. DCCCL.

PROOEMIUM.



Il hominibus pretiosius, nil carius est, quam vita: hoc studium eorum, hic labor est, ut vita conservetur. Nec homines tantum, qui mortales sunt, vita adeo delectantur; sed ipse DEUS, Conditor vitæ, vitæ etiam summam habet rationem. Quare cum primum mortis, ac homicidii exemplum contingeret, divina statim auctoritate inter homines constitutum fuit, ut homicidæ grauisimas darent poenas, & capite plecterentur.

Neque vero ille tantum, qui de industria & frivole hominem interficiebat, in homicidarum numerum referebatur, sed etiam, qui occasionem tantum, & locum ad vitæ interitum dabat, ille reus habebatur.

Tantam ipse DEUS in vita conservanda adhibuit providentiam, ut ne ille quidem a culpa abesset, qui, quantum in ipso erat vitæ pericula non avertebat, nec eos, qui in vitæ discrimine versabantur, saltem admonebat.

Ne itaque & ego eadem hac culpa constringar, cavendum pro virili existimavi, eoque fine præscriptum titulo argumentum ad dissertationem hanc inauguralem delegi. Succurrebat enim animo, in

quanto discrimine ægrotantes versentur, non tantum propter morbi ipsius virulentiam, sed sæpe etiam propter opem illam, quæ in morbis medendis adhibetur, incongruam, pro impedimento potius quam emolumento, pro enecatione magis quam medicatione reputandam.

Quamobrem amore erga proximum compulsus, hanc, de sensu Naturæ circa Curationes incongruas & de Noxa exinde proveniente, Disputationem elaborare in animum induxi, tum ut mihi ipsi, quid in morborum Curationibus vel agendum vel omittendum esset, eo magis inculcarem, tum aliis ad materiam hanc adeo necessariam adhuc accuratius ponderandam, auctor existerem. Neque dubito, quin multi veritatis & hominum salutis amantes occasione hac ipsis præbita usuri sint, eoque allaboraturi, quo innumera fere vitæ pericula, quibus ægrotantes propter curationes inconvenientes, experientia teste, obnoxii sunt, tandem amoliantur.

Ingenii vero, quod tenue existimamus, exiguarumque nostrarum virium memores, Deum humillime imploramus, ut sapientiæ ac veritatis lumine nos suffulciat, quo omnia, quæ scripturi sumus cum veritate & experientia conveniant, & ad nominis sui gloriam, ægrorumque emolumentum feliciter cedant.

I. N. J.

CAPUT I.

DE

*Operatione Naturæ Medicatricis ad-
versus morbos necessaria:*

SEU

De Curatione intrinseca.

§. I.



Um mortalium corpora inter mortis tela
continuo versentur, periculoque corruptio-
nis suborituræ nullo non tempore exposita
sint; admiramur providentiam sapientissimi
Conditoris, qua spiritum humanum, corpo-
ris sui rectorem, ea adornavit sapientia & facultate,
ut corpus adversus injuriam ab innumeris fere rebus,
quibus nec carere quidem aliquatenus homo potest, ipsi
imminentem defendere, læsionesque amoliri valeat.
Quod vero Natura hac virtute gaudeat, totus ille mem-
brorum apparatus testatur, quæ in hunc finem Natura
ipsa construxisse videtur, ut depurationi humorum ce-
terarumque partium inserviant, quorum & figura &
structura & situs exacte huic intentioni respondet, ususque
eorum quotidianus confirmat, cum talia per ea quotidie
excernantur, quæ mortem inferre possent. Impuritates
enim, quæ per alvum, per pectus, nares, per urinam &
per continuam exhalationem expelluntur, sunt non tan-
tum superflua, sed noxia etiam, si diutius, quam par est,
in corpore retineantur, recrementa. Nec minus dubita-
mus, quin omnes fere motus, ut vocant, vitales eo ten-
dant,

Natura corpus
conservat a
corruptione.

per membra
expurgandis
sordibus dica-
ta.

per motus
vitales

dant, vt scilicet corruptionis impetus a corpore averrun-
cetur.

& sanguinis cir-
culationem, §. II. Hanc Sui corporis defensionem provida
Natura non illo tantum secretionis, quæ inquinamentorum
est, excretionisque actu, sed potissimum motu sanguinis
ceterorumque humorum progressivo perficit, quippe,
quo fluiditas, calor, mixtioque eorum integra conserva-
tur. Humores enim, si partes, quibus illi consistunt,
spectes, promptissime primo in lentorem & spissescenti-
am, utpote primum corruptionis gradum; deinde vero
in ulteriores gravioresque læsiones cito ruunt. Ideo hæc
omnia, quæ de secretionem, excretionem reliquisque motibus
dicta sunt, absque intermissione, diu noctuque, in quo-
libet homine, etiam sano, fiunt, ob nullam aliam causam,
nisi ut Corruptela præcaveatur.

Ab anima pen-
dent motus.

non a Mecha-
nismo,

qui in corporis
partibus affir-
matur,

§. III. Has operationes, vitæque, ad quam colline-
ant, conservationem, Animæ, eique soli, adscribimus,
eamque quatenus vitæ præest naturali, Naturam voca-
mus: non obstante mechanismo, omnium & singularum
corporis partium, quem ipsarum structura & forma, in-
primis vero omnium partium admirabilis situs & cohæ-
rentia ostendunt, qui vero non in proprio ipsarum & activo
quodam motu consistit. Multæ enim inveniuntur machinæ
per structuram & formam suam ad certum quendam motum
aptæ, quæ tamen ipso motu, nisi aliunde adveniat, desti-
tuuntur. Globus, quatenus rotundus, mobilis quidem
est; motu vero caret: rotæ, quibus utuntur opifices, ro-
tari necesse habent; omniaque instrumenta artificum opi-
ficumque aptitudine quadam ad motum certum edendum,
mechanica quidem gaudent, motus vero ipse ab opifice
pro ipsius lubu impertitur. Quod si quis nonnullas ma-
chinas laudare vellet, quæ absque motore peculiari,
semper

semper præfente, motum suum vel à pondere, vel ab impulsu, vel à pressione cujusdam materiæ recipiant, ut horologia, molæ & hydraulici, non tamen ab istis ad corpus humanum vivum valeret argumentatio. Et si enim, v. gr. cor, cum annexis arteriis per totum corpus dispersis machinam quasi referat hydraulicam, propterea tamen inde non probari potest, motum sanguinis vel aeris pressione vel alia vi externa effici: quemadmodum aquam in machinæ suæ ductibus à tali vi externa motam videmus: cum ex ea Cordis & arteriarum structura hoc tantum pateat, fieri quam commodissime posse, ut sanguis è corde, adjuvante hoc partium mechanismo ad omnes corporis partes certi cujusdam agentis opera propellatur, neutiquam vero propria quadam virtute id fieri. Mouendi enim ratio, qua sanguis in corpore pellitur, ab illa, qua aqua in machina hydraulica mouetur, toto coelo differt: nam sanguis, peculiari motu, per diastolen, in cor recipitur, & alio iterum motu, per systolen, è corde propellitur; cum aqua immotis organis in machinam tantum irruat.

§. IV. Deinde internæ illæ vitalium aliorumque motuum corporis mutationes spontaneæ, ceteræque quæ illos comitantur circumstantiæ immateriales, *temporis* scilicet, quo quisque motus peragitur, *electionis* organi, quo quilibet perficitur, *proportionis*, quæ in materiæ movendæ motu tenetur, imo *voluntatis*, qua motus nonnunquam vel negliguntur vel efficiuntur, hæ inquam, rationes immateriales, si recte perpenduntur, immateriale nobis monstrant agens internum & intelligens, Animam scilicet, utpote quæ circumstantias has immateriales observat & dirigit, machinamque corporis à reliquis prædictis machinis prorsus distinguit.

quod probatur
I.
ex
circumstantiis
motuum
immaterialibus

2.
ex arctissimo
vinculo mo-
tionum a-
nimi & vita-
lium.

§. V. Hoc magis adhuc elucescit ex insigni accurata-
que convenientia, & indissolubili, quamdiu vita durat, ne-
xu, quo motus animi & vitales inter se vincti sunt. Æ-
que enim ac oculus alter sine altero non potest moveri;
ita nec animus, dexter quasi animæ oculus, quo spiri-
tualia respicit, unquam turbatur, ut non eodem momen-
to alteratio quædam in Natura, tanquam sinistro ani-
mæ oculo, qui ad corporalia quidem defixus est, seu in
motibus vitalibus, exoriat; Unde etiam appetitus, di-
gestio ciborum, excretio urinæ, bilis, alvi, sudoris uni-
versusque humorum motus simul sensibilibus afficitur.
Reliqua, quæ pro sententia nostra dici poterant, brevitatis
causa omittimus: quæ vero omnia ab Excell. Dn. D.
Præside publice jam argumentis firmissimis stabilita
sunt.

Eadem natura
corporis con-
servatrix &
medicatrix,

§. VI. Est itaque Natura corporis sui *conservatrix*, mo-
tum vitalium præses, quos, ut paulo ante dictum est,
propterea producit, ut corpus integrum, & a læsionibus
imminentibus inviolatum, i. e. sanum conservetur. Quod-
si vero nihilominus noxa seu corruptio quædam oborta
sit, aut proxime oritura videatur metuenda, tunc eadem
Natura a Deo conditore corporis sui constituta est *medi-
catrice*: Uterque enim actus nempe conservatio, quæ in
st. n. contingit, & medicatio, quæ in statu p. n. institui-
tur, ratione intentionis & effectus, unus idemque est.
Conservatio enim illa nihil aliud est, quam perpetua
corporis medicatio; & medicatio, quam Natura adhibet,
est nihil aliud, quam corporis conservatio. In illo actu,
quem corporis conservationem nominamus, mixtionis
præservatio, impuritatumque secretio & excretio intendi-
tur; In hoc vero, quem medicationem appellamus, mix-
tionis correctio impuritatumque secretio & excretio pro-
cura-

curatur. Ex hoc intelligi potest, unum eundemque esse utrorumque actuum auctorem.

§. VII. Ut autem eo minus dubitemus, vim hanc, morbis in corpore ortis medendi, spiritui humano esse concessam; id ipsum etiam in brutis demonstrabimus. His enim non instinctus tantum inditus est, quo corporis alimentum & reliqua ad vitam necessaria quærere stimulantur; Sed data ipsis etiam est potentia quædam sese defendendi, injuriamque avertendi: in quem finem ejusmodi organis, ceu armis, nempe cornibus, unguibus, aliisque instrumentis instructa sunt, vel in horum defectu tanta sunt astutia, ut, quæ in promptu sunt, præsentem quodam periculo efficaciter uti sciant, quid? quod adversus læsiones, corpori illatas, morbosque medicinam applicare, ab instinctu illo intrinseco sint edocti. Ita de urso sauciato referunt, illum muscum vulnere adhibere sanguinisque effluxum hac ratione cohibere. Canes gramen devorant, vomitumque sibi movent; canes vulnerati locum adfectum sæpius lambentes cernuntur, quo fit, ut vulnus non purum tantum mundumque servant, sed vi etiam salivæ suæ ipsius coalitionem promoveant.

§. VIII. Cum ergo hæc de naturæ etiam brutorum insita sanandi virtute sufficienter testentur, non est, quod dubitemus eodem beneficio Naturam etiam hominum, & multo quidem magis, frui. Res enim ipsa postulare videbatur, ut Creator hominum (nisi hoc suum opus eodem fere momento, quo illud creasset, iterum interire vellet) ea ipsos sapientia & virtute instrueret, qua non tantum vitam conservarent, sed ad metam, ab ipso sibi præfixam producerent. Universum enim hominum genus brevi extingueretur tempore, nisi mortis executio hac ipsis indita virtute suspenderetur. Porro sapientiam

quod in brutis
æque ostendi-
tur.

Vis medica
ta naturæ
probatur

ex rei ipsius
necessitate.

tiam

2.
ex certo ægro-
tantium defi-
derio

3.
ex fomniis,
quibus non-
nulla medica-
menta edocta,

4.
ex historia
remediorum,

5.
ex ipsa expe-
rientia

tiam hanc Naturæ implantatam colligimus etiam ex illo desiderio, quo ægrotantes nonnunquam in cibum peculiarem, aut in quamcumque aliam rem feruntur, quarum usu sanatos fuisse exempla docent. Nec semper ab ejusmodi desiderio abest ratio: nam e. gr. quidam febri tertiana laborans halecem appetebat illoque com-
eso convaluit: sal enim marinum, quod halecibus inest, ipsi digestivi loco inservire potuit. Alius ægrotans cre-
tam desideravit, quæ absorbendi facultate prædita est. Possem huc etiam referre fomnias, quibus nonnunquam ægrotantes adficiuntur, & medicinam quandam edocen-
tur: qua de re multa exempla in vulgus nota sunt. Si
artis medicæ primordia recolimus, non sine causa, auguramur, quod plurima medicamenta tunc temporis hac ratione fuerint patefacta, & quod Natura ipsa mul-
tarum medicinarum auctrix sit. Vid. in *Lang. Oper. Medic. Hi-
stor. Medic. pag. 7.* Immo tam manifestæ & evidentes sunt multæ admodum Naturæ operationes medicatrices, ut ipsos medicos multarum curationum methodum ab ea didicisse, aut ejus saltem imitatione instituisse, negari fe-
re nequeat: Id quod de venæ sectione, sacraficatione, quas ab hæmorrhagiis spontaneis cum euphoria succe-
dentibus desumpsisse videntur, factum esse existimamus. Curationes per vomitoria purgantia, diaphoretica, Apo-
phlegmatifantia &c. a Naturæ motibus mutuatos esse, ve-
ro est simillimum. Sunt, qui de Clysteribus memo-
rant, eorum inventionem observatæ Ciconiarum me-
dicationi deberi, quæ dum alvi obstructione laborant, aquam sibi adminiculo rostri in alvum inspergere visæ fuerint.

§. IX. Confirmantur hæc, quæ de *Αυτοθεραπεία* Naturæ diximus, multis exemplis, imprimis plebejorum.
qui,

qui, acutissimis sæpe morbis correpti, absque medicaminum ope, solo intrinsecorum motuum, qui violentiæ morbi à Natura opponuntur, auxilio conualescunt. In multis Turciæ Persiæque locis Medici nulli, hominesque medicinarum plane ignari sunt; qui quando ægrotant, soli Naturæ energiæ commissi liberantur plerumque, quanquam negandum non est quam plurimos succumbere; quod sine dubio propterea accidit, quia regimen, quo morbus vult gubernari, ignorant, subsidioque, quo non nunquam à medicis subueniri Naturæ necesse est, destituuntur. Conf. Disp. Dn. D. Præfidis de Avto-
cratia Naturæ.

§. X. Causam ergo ejusmodi sanationis, quæ absque auxilio, extrinsecus adscito, perpetratur, si inquiremus, manu quasi ducimur ad considerationem eorum motuum, qui in morbis animadvertuntur, quosque indolis optimæ, (ut supra probatum est) deprehendimus. Propterea etiam motus hosce à morbi essentia plane separamus, eosque non ad morbum, proprie dictum, referendos, nec à causa morbi productos esse, sed ab ipso spiritu vitali, seu Natura medicatrice, propter morbum extinguendum effici affirmamus.

§. XI. Videamus v.gr. symptomata febrium præcipua & ordinaria, nimirum sanguinis motum, calorem, sitim, excretionem urinæ & sudoris &c. Sane hæc omnia, tantum gradu diverso, etiam in st. n. in quocunque homine observamus, suntque iidem ipsi motus, quos noxæ, mixtioni corporis semper imminenti opponi supra §. 2 ostendimus. Quemadmodum igitur hi motus pro morbo nequaquam haberi possunt, qui potius fulcra sanitatis sunt; ita nec dicti motus febriles pro morbo sunt reputandi; imprimis cum illi vigente adhuc morbo, abesse,

6.
ex morbis in
morbis exci-
tatis.

imprimis, ex
motibus febrilibus.

qui motus

neque morbi
ipsi.

etsi nunquam salutariter, possint. Quem enim latet, quod, qui febribus malignis ægrotant, nonnunquam neque de calore, neque de siti, neque de aliis tali morbo familiaribus symptomatibus conquerantur, quanquam vel vehementissimo contagii fermento sint infecti, id quod autem ut plurimum mortis subsequatur indicio esse solet: è contrario vero spes major effulget, si superius recensita symptomata, debito tamen modo & ordine appareant.

neque modifi-
cantur
a materia mor-
bifica.

sed ab agentis
indole & ap-
prehensione.

§. XII. Deinde non semper motus illos ad materia-
rum seu impuritatem aut præsentiam aut qualitatem, aut
quantitatem metiri possumus, quod tamen fieri deberet,
si motus illi a materia morbifica, tanquam effectus pro-
ducerentur; sed potius secundum naturæ indolem acti-
vitatem & apprehensionem, de iis judicandum est.
Ratione *indolis* quidem pro temperamenti diversitate,
diverse motus illi instituuntur, & ut plurimum animi ha-
bitum sequuntur. Ita v. gr. in Cholericis, secundum in-
dolem hujus temperamenti omnia, quæ in morbo con-
tingunt, vehementiora sunt, & cum majori impetu ir-
ruunt, omniaque symptomata facile mutantur, novam-
que quasi morbi faciem exhibent: quæ tamen tardiora
apud Melancholicos esse animadvertuntur, constantius-
que perdurant, immo sæpiissime pertinaciter insistant.
Apud Sanguineos promptè & cum vigore omnia succe-
dunt, ast tamen absque insigni vehementia; maximaque
omnium proportio, cum materiæ qualitate conveniens,
in hoc temperamento observari solet. Apud Phlegma-
ticos vero, motus segniores sunt & difficilius, propter
temperamenti pigritiam, ad finem rite perducuntur:
hinc etiam istorum restauratio lenta tarda que subsequitur.
Ratione *activitatis* cholerici & sanguinei ad morbos acutos
pro-

proniores, qui istis familiariores sunt, quam phlegmaticis, utpote ad lentos proclivioribus. Ratione *apprehensionis* morbi fiunt vehementiores, ubi sensus quidam exquisitior prægressus est; aut ubi mens imprimis ab iracundia fuit commota; aut ubi Natura periculum aliquod grave sibi imaginatur, aut læsio parti cuidam imminet, quæ ad vitam conservandam summe, immo absolute est necessaria, quanquam materiæ qualitas non adeo maligna, quantitasque ipsius exigua est.

§. XIII. Jam non dicam de recurso motuum periodico, qui certo tempore contingit, ubi nonnunquam cum impetu motus insurgunt, deinde iterum mitescunt, & tandem plane cessant, remanente nihilominus in corpore materia, ut vocant, morbifica, utpote, quæ ordinarie non in principio morborum, sed quando jam motus illi defuerunt, in declinatione vel morbi, vel saltem paroxismi excernitur: quod profecto manifesto esse potest argumento, motus morbo illi familiares ortum minime a materia quadam peccante sumsisse, sed productos fuisse, ad materiam illam vel subigendam, vel excernendam. Hinc rationi admodum est conforme, paroxismos illos mitescere vel cessare, postquam pensum suum Natura quasi absolvit.

§. XIV. Saluberrime etiam motus illos, & cum eo effectum, cujus gratia suscepti sunt, contingere, non medicum tantum practicum, sed vulgus etiam observavit. Ita de febribus tertianis judicant, motus illos non esse suppressendos; conducere enim ad sanitatem, si rite absolvantur. Et quis damna etiam ignorat, quæ ex præmatura motuum illorum suppressione proveniunt? Idem ex ceteris etiam febribus, nec non ex hæmorrhagiis, multisque aliis morbis clarissime demonstrari posset, nisi in

7.
Ex recurso
motuum pe-
riodico.

8.
ex salutari
motuum ef-
fectu.

ea, quam citavimus, de *Autogenetica* naturæ dissertatione jam satis esset expositum.

Curatio in-
trinfeca statui-
tur ex ante-
cedentibus.

§. XV. Ex quibus omnibus itaque colligimus, Naturam motibus suis corruptionis declinationem, læsionumque restaurationem, in morbis machinari, quam motuum oppositionem nos ab effectu merito *curationem intrinsecam* nominamus. Ut autem nullum plane dubium relinquatur, quin motus hi immediate ab Anima in materiam influant, iterum notamus nexum illum, de quo supra §. V. egimus, quo motus animi cum illis, qui in morbis oboriuntur, tanquam ex uno fonte profluentes, ita sunt copulati, ut a se invicem separari nequeant. Exinde fieri solet, ut quemadmodum status animi tranquillulus & constans, statum morbi uniformem, tranquillum, placidumque conciliat; ita animi perturbatio eandem, quæ tunc in mente observatur, indolem, motibus morbo junctis imprimat. Qua de re multa verba facere supervacaneum est, quia per se manifesta videtur: Quis enim inficias ire potest, gravissimas turbas ab iracundia, terrore, moerore & aliis animi pathematibus in ægrotantibus excitari. Quid? quod solæ meditationes profundæ tantum valeant, ut morbis mutationes nonnunquam insignes possint inferre. De his omnibus, quæ diximus, experientiam testem allegare, eaque exemplis valde frequentibus confirmare possemus, nisi jam extra omne dubium posita essent. Conf. & hic, quæ superius §. 12. de convenientia seu harmonia morborum cum animi indole diximus.

Hujus cura-
tionis finis
duplex:

§. XVI. Finis harum Naturæ operationum, seu curationis intrinsecæ ultimus, respectu corporis, quidem est ipsius restitutio; intermedius vero, respectu materiæ malignæ, seu causæ morbificæ, est ipsius correctio, secretio

&

& excretio. Hæc in nonnullis morbis omnia coincidunt, ut in febribus; in aliis vero, vel unum tantum eorum, nempe correctio, ut in spissitudine sanguinis; in aliis duo simul, correctio scilicet & excretio, ut in inflammationibus, intenduntur. Ordo
& proportio Has intentiones exsequitur. Natura motu humorum progressivo, partiumque solidarum tonico, eoque vel universali, ut in febribus, vel particulari, ut in inflammationibus aliisque morbis particularibus; gradu vel insigniori, ut in acutis, vel remissiori, ut in lentis morbis, prout vel morbi status id exigat, vel Natura ad agendum prompta aut excitata est. Si Natura motus hos rite prosequi & feliciter ad finem potest perducere, sanitatis oritur restauratio, omnesque motus p. n. sponte cedunt.

§. XVII. Ut hanc Naturæ *ἐνέργειαν* & in operando ordinem, quem servat, exemplo quodam illustremus, Eadem illustrantur exemplis demonstrari id in febre tertiana autocratica optime potest. In primis enim hujus febris diebus, excretionem huic morbo propriam, vomitum nempe, vel Diarrhoeam contingere, nisi ventriculus impuritatibus forte turgat, ordinarie non observamus: sed instituitur primo materiæ, v. g. viscidæ, ventriculo primisque viis tenaciter adhærentis, quædam *correctio* & separatio. Hanc Natura ipsa effusione larga humiditatis calidæ ex universo corpore collectæ, & ad ventriculum deductæ, perficit: id quod durante frigore contingit; quippe tunc humores ab exterioribus corporis partibus, ad interiores, maxime ad ventriculum recesserunt, ut pallor faciei, inanitas vasorum, & angustia præcordiorum indicant: In primis vero etiam in hunc finem suscipitur, effusio illa salivæ in ventriculum deglutiendæ copiosa, quæ sub frigore contingit, cum nausea, ceu manifesto indicio, tum

abhorrescentiæ Naturæ adversus impuritates illas ventriculum replentes, tum voluntatis, seu intentionis illas exernendi. Est vero actus hic ad corrigendam muciditatem rationi omnino conformis. Muciditatem enim in aqua calida resolvi & liquefcere, ad minimum in tantum, ut non ita tenax adhæreat, quilibet experiri potest, si albumen ovorum aquæ calidæ immittat, inprimis, motu quodam accedente. *Separationem* hujus materiæ motu illo succufationis, qui febricitantibus, sub frigoris sensu familiaris est, facilitari, non absque causa existimamus: movetur enim hac ratione corpus & materia in ventriculo emollita ab ea parte, cui adhæret, dimovetur, ac ad excretionem apta redditur. Rebus ita feliciter gestis, sub tertio vel quarto paroxysmi insultu subsequitur vel vomitus vel Diarrhoea, seu *excretio* materiæ, motibus prægressis ad talem excussionem præparatæ, cui deinde sensibilia totius febris decrementsa succedunt. Posset idem in aliis etiam morbis, inprimis criticis, demonstrari, nisi hæc, quæ dicta sunt, ad confirmandam thesin sufficere crederemus.

Curatio in-
trinsecæ ne-
cessitas abso-
luta.

§. XVIII. Hæc Naturæ adversus morbos operatio non utilis tantum, sed absolute necessaria est; nulla enim sanitatis absque his motibus internis restitutio fieri potest; qui tamen neque a medico, neque ab ulla medicina, nisi mediate, & Naturam excitando ac stimulando possunt produci: id quod in sequenti capite, quo de medicamentorum operatione acturi sumus, copiosius explicabimus.

CAPUT II.

DE

Curatione extrinseca sensum Naturæ afficiente.

§. I.

Non medici facultate situm non est morbos profligare, nec ipsi incumbit sanitati ægrotantes restituere, qui manum tantum obstetricem Naturæ adversus morbos luctanti admove-
re, & medicamenta, quibus illa vere juvatur, debito tempore & modo subministrare potest, regimen simul indicans, quod morbo illi, quo ægrotus laborat, conveniat: hoc enim rite transacto, munere suo defunctus est, quanquam ægrotantis restitutio non semper subsequatur. Quemadmodum enim motus vitales, quibus oritura noxa antevertitur, in statu naturali; motusque morbos concomitantes, quibus noxa orta avertitur, in statu præternaturali, ab ipsa natura producuntur, quod in capite antecedenti demonstravimus: ita idem etiam de motibus, medicamentorum usum sequentibus, utpote ad eundem scopum collineantibus, asserendum esse, perpetuo horum cum præcedentibus concentu, mutuaque eorum conspiratione freti, arbitramur, sanationem itaque per medicamentorum usum inductam non tam medico, qui applicavit, sed Naturæ, quæ admisit, adscribentes.

Medicus minister tantum naturæ est

§. II. Medicamentorum operationem ab ipsa Natura gubernari modus et ratio, quibus virtutem suam præstant, fatis superque confirmant. Quanquam enim mechanici quid in eorum operatione nonnunquam subesse, quod a naturæ arbitrio minus dependet, fateamur: id tamen

Medicamentorum operatio natura est.

tamen tanti minime est, ut universa operandi ratio nomen exinde recipiat, cum potius à potiori fieri debeat denominatio. Præcipua enim operatio, qua sanatio proprie perficitur, uti quidem infra tradituri sumus, non tam est à medicamentis, quam ab ipsa potius Natura, quæ medicamentorum opera ad finem suum pro arbitrio utitur.

Mechanicame-
dicamentorum
operatio refu-
ratur.

1.
exnegata pro-
portione, quæ
intercedere de-
bebat inter
quantitatem
medicamenti
ejusque effe-
ctum a medico
intentum,

§. III. Si medicamentorum quantitatem, qua adhiberi illa usu receptum est, consideramus, nullam prorsus inter hanc & inter efficaciam, quam edere debent, proportionem animadvertimus mechanicam. Solent enim, qui medicamentorum operationem ex regulis mechanicis deducunt, morborum etiam symptomata eidem rationi, nempe mechanicæ, adscribere; in quem finem certam in quolibet morbo supponunt materiam, ex particulis ad operationem mechanicam idoneis constantem, quibus illi figuram, vel hamosam, vel angularem, vel aliam aliquam affingunt, qua materia præsentem effectus illos & symptomata necessario subsequi affirmant. Quemadmodum ergo morbifica talis materia non nisi in magna copia adesse præsumi potest; præcipue in illis morbis in quibus omnes fere corporis partes sunt affectæ, ut in morbis arthriticis, epilepticis, febribus, aliisque: ita etiam medicamenta, quæ ad morbos illos extinguendos, secundum illam sententiam adhiberi debent magna quantitate essent applicanda; quæ tamen ab iis ipsis, qui opiniones has fouent, dosibus, si materiam suppositam spectes, exiguis præscribuntur, cum forte ab experientia sint edocti statum corporis, vitæque naturalis oeconomiam ea in majori copia non admissura esse. Quare non video, quomodo hæc medendi ratio cum theoria tali cohæreat. Manifestum enim est, si, medicamentum vim suam edere

pe-

deberet mediantibus particulis suis, certam figuram præ se ferentibus, figuræ earum particularum, quibus læsio corpori infligitur, exacte oppositis; necesse foret, ut tanta ipsius medicamenti moles, ipsis opponeretur, quæ copię illarum particularum exacte responderet, ita quidem, ut quælibet particula materiæ morbificæ, v. gr. hamosæ, particulam suam oppositam in medicamento inueniret, à qua posset obtundi. Si quis ergo vi hujus doctrinæ voti sui compos fieri vellet, in adhibendis medicamentis, non scrupulorum pondera, aut si liquor est, non guttæ sufficerent, sed unciarum, immo librarum moles requireretur.

§. IV. Porro si medicus ægrotantem secundum leges mechanicas in integrum restituere susciperet, competeret ipsi, ut de numero earum particularum, noxia figura præditarum, & in corpore latentium, certus sit, ut dosin medicamenti proportionatam adhibere valeat. Et quoniam magna etiam medicamenti pars, inprimis quod terreæ est consistentiæ, muciditatibus ventriculi, intestinorumque inuoluitur, & cum recrementis alui ordinariis iterum abjicitur, adeoque non integrum ad humores pertingit, perspectum medico esse deberet, quantum medicamenti hac ratione pereat, ut illud possit supplere: quod si enim illud deficeret, non posset effectus exoptatus sequi; sin vero nimium ipsius adhiberet, tunc vi ejusdem doctrinæ, ad cujus normam curationem instituit, noxam corpori novam inferret, cui deinde novum iterum medicamentum, accurata itidem proportionem ac mensura opponendum esset, quomodo vero infinitus medico labor, ægrotanti autem morbus & dolor exoriretur.

§. V. Graue etiam & illud dubium est, quod sen-

2.
Ex ipsiſ Mechanismi legibus.

3.
Ex effectu.

ratione merito opponimus, nempe quod morbi mechanismo huic ficto cedere recusent. Cum enim juxta hanc hypothesin curationes morborum infallibiliter, & levi quasi negotio succedere deberent, ac eo semper certissimo effectu, ut v. gr. pistor panem, aut sutor calceum conficit; nihilominus tamen observamus, morbos hac ratione non curari citius, sed potius, si medicus secundum hujus doctrinæ manuactionem medicamenta semper vellet administrare, tanta ex curatione nascitura essent impedimenta, quæ restitutionem longe difficiliorem redderent, quam si ægrotus soli Naturæ energiæ relictus fuisset. Proinde & sæpius accidit, ut illi, qui huic sententiæ favent, experientiæ testimonio nonnunquam cedentes, theoriam hanc ad tempus quasi seponant, & tunc quidem felicius contra morbos agant, quod consilium etiam à Sydenhamio in præfatione sua ejusmodi theoreticis supeditatur.

4.
ex applicatione
medicamentorum,

& quidem Opii,

§. VI. Plausibilis satis & curiosa ejusmodi theoria tamdiu apparet, quamdiu circa conceptus generaliores tantum versatur: si vero ad speciales in praxi clinica occurrentes casus confertur, tanta statim effulget rerum diversitas, ut omnis ejusmodi speculationis color atque species subito evanescat. Si efficaciam opii perpendimus, cujus unicum tantum granum omnes arthriticorum dolores ad tempus certum potest suspendere: quod tamen non in patrocinium eorum, qui opio in perniciem ægrotorum abutuntur, dictum velim) quomodo talis effectus cum figura particularum ipsius possit conciliari; & quomodo hæ numero paucæ particulæ, particulis illis noxiis, per totum corpus dispersis sufficere possint, sane non perspicio.

& quorundam
adstringentium

§. VII. Eodem fere modo medicamenta quædam adstringentia

stringentia, v. gr. Crocus Martis adstringens comparata sunt. Hujus enim unum vel duo grana subjectis paulo sensibilibus exhibita, sudores per universum corpus erumpentes compescere solent. Econtrario nobis diaphoreticum quoddam medicamentum notum est, cujus pars grani dimidia sudorem per totum corporis ambitum elicere potest. Sane haud intelligo, quænam proportio mechanica intercedat inter medicamentorum horum effectum, & exiguam illam quantitatem, qua adhibentur. Imaginari sibi difficillimum est, quomodo exigua talis materia multis humorum libris intermixta, vim mechanice quid mouendi possit retinere: & incomprehensibile penitus est, quantum illius materiæ ad singulas corporis partes deferatur, & quomodo quantitas illa fere incomprehensibilis, quæ uni parti communicatur, non tantum unam alteramue, sed omnes totius illius partis fibras ita possit afficere, ut earum omnium vel contractio vel relaxatio subsequatur. Quis vero est, quem lateat, vim v. gr. medicamentorum adstringentium in particularum suarum collectione ac concentratione sitam esse; si autem dissipentur, vel dispergantur, facultatem eorum vel perire, vel infringi. Si e. gr. una dosis, nempe viginti aut triginta guttæ tincturæ terræ Catechu liquori duodecim, sedecim vel viginti librarum infunderentur, virtus ipsius stiptica penitus periret: si enim liquor ille ad vulnus quoddam externe adhiberetur, vim adstringendi nullam exhiberet.

§. VIII. Nec eundem effectum medicamenta semper edunt, quod tamen necesse foret, si eorum operatio ratione mechanica absolveretur. Quis enim inficias ire potest, vomitoria nonnunquam loco vomitus purgationem per alvum efficere, purgansque medicamentum in-

Ex inconstanti & interdum contrario medicamentorum effectu.

terdum movere vomitum. Adstringentium opiatorumque usum in hæmorrhagiis profusiones sæpius vehementiores sequi, experientia testatur. Crebra medicamentorum assumptio ipsis tandem omnem vim derogare potest, ut illum effectum, quem in principio sensibilibiter ediderunt, non amplius præstent. Hoc enim est, de quo ægrotantes nonnunquam conqueruntur: Sie hätten anfänglich in dieser oder jener Arznei eine sonderbare Kraft verspüret/welche sie aber so mercklich nicht mehr empfanden/nachdem sie solche eine zeitlang gebraucht hätten. Quare & cuique suadendum est, ut, nisi necessitas postulet, medicamentis non utatur, quo eorum efficacia, urgentibus morbis, eo præsentior euadat. In Turcia opium frequentissime, & majori, quam nos, copia assumunt, neque tamen tantus effectus inde sequitur, qui ab uno tantum grano in nostris locis proficiscitur. Nouimus hominem, qui, cum singulis diebus magnam opii quantitatem deuoraret, loco somni seu torporis, prout ipse affirmavit, vigorem ex illius usu percepit.

6.
ex imaginati-
one circa medi-
ca mentorum
usum.

§. IX. Nonnunquam operationes medicamento-
rum animadvertuntur, quanquam ne corporis machi-
nam quidem attigerint. Sunt enim, qui si vel vomito-
rium, vel purgans adhibere debent, aut si modo alium
tale quid assumentem cernunt, vomitu statim seu pur-
gatione corripuntur. Neque desunt, qui à sola imagi-
natione, ac si purgans ipsis fuisset adhibitum, tali motu
afficiuntur, quem purgans illud, ubi sumitur, producere
solet.

7.
ex curatione
sympathetica.

§. X. Huc etiam curationes, ut vocant, sympathetice referuntur. Quemadmodum enim de earum efficacia, quam in corpore exserunt, nemo hodie dubitare potest, ita non videmus, quomodo earum operatio cum the-

theoria illa recepta cohæreat, & qualem particularum figuram in hoc casu prætexere velint. Hæc enim medicamenta vel corpus plane non tangunt, vel si ad illud pertingant, fit tantum levis quidam externus contactus, ita ut neque materialiter quid de ipsorum mole pereat, neque impuritates in corpore latitantes ullum cum ipsis congressum patiantur. De bufone exsiccatō, sub brachio hæmorrhagia laborantium posito, practici testantur, illum ubi incalescat, sanguinis fluxum cohibere. Si sanguinis eorum, qui hæmorrhagia narium affecti sunt, pars adhuc calida, linteō, vel charta recepta, igni injiciatur, sanguinis fluxum, simul ac sanguis ille fuit combustus, sedatum vidimus. De pulvere illo sympathetico, qui ex vitriolo Veneris paratur, quis ignorat, illum in sistenda hæmoptysi non inefficacem esse: quanquam circa ipsius usum nihil observandum, nisi, ut portio quædam hujus pulveris patinæ indatur, affusa aquæ simplicis quantitate: in hanc massam ægrotans sanguinem exspuere jubetur, qui cum illa bene miscendus & cum vase in calore mediocri reponendus est.

§. XI. Nec silentio hic prætermittere possumus qualitatem pulveris cujusdam sympathetici, cujus usus in Belgio, ac in quibusdam Germaniæ locis non infrequens est. Hoc enim pulvere pro lubitu, nunc sudor moveri nunc vero vomitus, vel purgatio cieri potest: nonnullique etiam morbi eo solo extinguuntur. Cum urina ægrotantis pulvis ille miscendus, & in calore temperato collocandus est, quo facto operatio ipsius in corpore ægrotantis sese exserit, & tamdiu durat, quamdiu in caloris illo gradu conservatur. Præ omnibus his hoc imprimis admiramur, quod ille corpora etiam longissime remora aggregiatur, virtutem in iis eandem, ac si præsentia essent exserendo. Quanquam enim ægrotus aliquot miliaria

8.
In specie ex
pulveris cujus-
dam sympathetici
usu & effectu,

a medico sit sejunctus, distantia tamen loci efficaciam medicamento nihil imminuit: sufficit enim, si patiens urinam medico transmittat, medicusque pulverem hunc ipsi, debito modo, applicet, ægrotantem certiore reddendo, quo forte tempore operatio exspectanda, & quamdiu duratura sit, ut regimen ab ægrotante operationi tali conforme servari possit. simile quid & nos cum medicamento tali hætenus tentavimus, eodem quidem cum superiori, quoad operandi modum, successu, non tamen cum pari semper fructu in omnibus illis, in quibus commendatur, morbis, nisi quod in hæmorrhagiis, in dentium doloribus manifestas virtutes sæpiusprehenderimus.

Curacionem
sympatheti-
cam ex efflu-
viis vim ha-
bere negatur.

§. XII. Ne tamen quis ad effluvia forte recurrat, iisque certas particulas atque figuras affingat, quæ corpus ægrotantis repetant, effectumque illum sympatheticum edant; eandem rem examinabimus, insignem difficultatem, quam in hac sententia invenimus, allegaturi. Annon effluvia talia, utpote materialia, in itinere absorberentur? aut si cum effluviis aliorum corporum coirent, immutarentur? quis effluviis illis subjectum illud ac individuum, quod ingredi debent, indicare posset? Quis copiam eorum effluviorum posset comprehendere, quæ requireretur, si atmosphæram, aliquot milliaria expansam implere deberent, ut ad corpus ægrotantis possint pertingere? annon moles illa effluviorum, si colligerentur, totam massam, ex qua exspirarunt, pondere longe superaret, à cuius tamen pondere, si vase clauso teneretur, nihil perditur.

Ufus medica-
mentorum si-
tus in ciendis
sensibus,

quod probatur

§. XIII. Ne vero nimis prolixi in refutanda thesi contraria evadamus, pedem hic figimus, argumentis hujus doctrinæ, ut quidem existimamus, de mechanica medicamentorum operatione sufficienter discussis. Nos vero nostram de eorum operatione sententiam explicaturi, neque ad suspectos, ut

illi

illi sunt, in praxi medica conceptus, neque ad alias occultas qualitates provocare opus habemus: manifestum enim est, QVOD MEDICAMINA EFFICACIAM SUAM, PRÆCIPUE SENSUM VITALEM AFFICIENDO EXSERANT, pro cuius sensus excitati diversitate ipsa natura hanc illamve operationem administrat. Hoc non tantū de iis medicamentis, quæ in corpus assumuntur, sed de reliquis etiam, amuletis scilicet & sympatheticis, sive ægrotus sit præsens, sive absens, adhibitis, affirmamus. Quod vero sensus rerum, etiam absentium, locum in homine inveniat, non est, quod dubitemus: sæpius enim accidit, ut si Cajus, Titii consanguineus in alio plane terrarum climate degens, vel morbo corripitur, vel omnino moriatur, Titius inde angore ac tristitia valde sensibili afficiatur, ex quo sensu ille, ab experientia edoctus, judicat, in gravi quodam periculo Caium versari. Hunc animi sensum vulgus ita exprimere solet, daß ihm das Herz schwer sey / es müsse sich wol jemand von den seinigen in einer schweren Krankheit befinden / oder wol gar gestorben seyn. Quemadmodum igitur hunc sensum motus illi præternaturales, angustia & compressio quædam cordis, Beklemmung des Herzens / als ob es zerspringen wolte / immo nonnunquam dolor sequuntur: ita non aberramus, si etiam in hoc casu, ubi particula quædam ipsius corporis, v. gr. sanguis vel urina, quanquam extra corpus constituta, a medicamento quodam afficitur, eadem explicatione utamur, quod scilicet ex illo contactu, qui particulæ huic ab homine desumtæ, & medicamento sympathetico intercedit, sensus quidam ad hominem illum redundet, & Natura deinde pro sensus illius manuductione, motus huic sensui conformes instituat. Experientia etiam quotidie

ex amuletis
& sympatheticis.

tidie comprobat, curationes per sympathiam felicius apud eos, qui sensibiliores sunt, succedere.

^{2.}
ex experientia

§. XIV. Eodem modo ea etiam medicamenta, quæ in corpus assumuntur virtutem suam præstant; sensum nempe in Natura excitando, quo illa, vel refocillatur, seu confortatur, vel sopitur seu tranquillatur, vel absolute tantum ad motum certum invitatur, quem deinde sensum motus certi in corpore sequuntur. Hoc enim ordinarium in corpore nostro est consuetudinarium, quod motus sensui seu irritationi succedant. Qui vomitum, purgationes, cordis motus extraordinarios, motusque convulsivos materiæ cuidam vellicanti seu stimulantibus tribuunt, quid aliter agunt, quam quod usu medicamentorum sensum provocari, motumque subsequi affirmant, quanquam de sensu motuque isto plane aliter, quam nos quidem sentiant. Cum itaque communis etiam medicorum sententia non adversus nostram thesin, hac in parte, pugnet, non est, ut in eo copiosiores simus. Quo quis subtiliori instructus est sensu, eo facilius a medicamentis afficitur: hinc insignis illa differentia oritur, ut medicamentum in uno corpore facilius quam in alio, & minori dosi datum effectum suum edat. Quoniam ergo cholericus sensu gaudent præ omnibus acutissimo, hinc est, quod dimidia doseos ordinariæ pars ipsis sufficiat, ad evidentem medicamentum cuiusdam efficaciam percipiendum: contra vero cum sensus apud paralyticos valde torpeat, fortiolem requirunt stimulum, dosesque medicamentorum auctiores.

§. XV. Conspirant cum hac nostra explicatione, omnes illæ, quas de medicamentorum operatione in antecedentibus tradidimus, observationes. Quicquid enim de dosium paucitate magnum effectum edentium §. 6.

& 7,

& 7, de operatione unius medicamenti, vel diversa vel contraria §. 8, de vi imaginationis in efficacia eorum vel alteranda vel augenda, & de eadem imaginatione, medicamenti munere nonnunquam fungente, §. 9. & tandem de curatione per sympathiam in seqq. diximus; annon hæc omnia sensum quendam in homine tactum involvunt? Certe cum medicamenta sæpius a corpore prorsus sint remota, intelligi nequit, motus illos sensum talem sequentes ab alio, quam intrinseco & ordinario motuum principio, natura nimirum, promanare?

§. XVI. Equidem inficias ire non possumus, quod etiam certo respectu medicamenta plurima, immediate in corpus ipsum, ipsiusque mixtionem agant, & effectum quendam vi particularum suarum proferant, si in hunc finem sufficienti quantitate exhibentur. Quorsum omnia referimus, quæ vel insigni acredine, vel particulis multis sulphureis, resinosis, salinis, pollent. His quidem mechanicam operandi rationem, quam resolvendo, attenuando, produnt, non penitus denegamus: quanquam ad absolvendam curam hæc eorum virtus, uti superius demonstravimus, nequaquam sufficit; de quo morbi, quos vocant consuetudinales, & qui mera animi perturbatione cooriuntur, quibus itaque nulla sæpius materia corrigenda subest, testantur. Quod si ergo ab his, quæ dicta sunt, ad reliqua omnia velle-
mus argumentari, conclusio admodum foret particularis. Deinde, quanquam non negandum sit, modo dicta medicamenta operationem resolutionis vel attenuationis non nisi motu quodam posse perficere; non tamen hoc cum eo, quod superius de motu, medicamentorum usum sequente, statuimus, ullo modo pugnat: hic enim motus, qui ab ipsis medicamentis in ipsa humorum cra-

ex constanti
naturæ syner-
gia, ubi medi-
camenta me-
chanice viden-
tur operari.

si perficitur, intestinus tantum est, qui nullis corporis organis indiget: propterea ejusmodi motus seu operatio ab illis motibus seu operationibus distinguendi sunt, qui mediantibus quibusdam corporis partibus ceu organis, motibusque vitalibus, tonico humorumque progressivo, utpote ab ipsa Natura oriundis, perpetrantur. Si vero motus hi posteriores illis, ex sola medicamentorum energia pronatis, superveniant, ut plerumque fieri solet, a Natura ipsis voluntario adduntur. Nequaquam enim putandum est, ac si a medicamentis alterantibus seu corrigentibus, sensus Naturæ nullus moveretur: manifestum enim est acria, salina, sensum prolicere & irritare, (ut ex diureticis patet) sulphureaque & resinosa ad sudoris excretionem Naturam invitare. Quare operatio a talibus medicamentis quasi duplex provenit, quarum una ab ipso medicamento immediate dependet, altera vero ab ipsa Natura superadditur; quanquam & prior sæpius sub præsidio quasi Naturæ administretur.

ex arbitraria
naturæ atten-
tione ad sen-
sationem af-
fectam.

§. XVII. Quod vero de sensu, de irritatione aut stimulo, quæ a medicamentis Natura recipit, hætenus diximus, non ita interpretandum est, ac si motus subsequentes, vi illius stimuli, adeoque etiam mechanico quodam modo a Natura in corpus influant. Quanquam enim irritationis vis in Natura, æque ac in animo, magna est, nihilo tamen minus in arbitrio ipsius manet repositum, utrum ipsi obedire velit, nec ne? Nam quod Natura nonnunquam medicamentum quoddam assumptum & stimulum prorsus negligat, experientia monstrat: quod in iis morbis accidit, ubi consueta medicamentorum operatio emanet: quem medicamenti neglectum exprimere solent, es wolle bey den Patienten nichts mehr anschla-

schlagen / auch was ihm sonst jederzeit geholfen hätte. Idem apparet, quando vel vomitoria, vel purgationes, vel clysteres effectum suum denegant, quod sæpius fit, si homo profundis meditationibus aut somno deditus est, wenn ein Vomitiv oder Purgans / oder Clystir stehen bleibt: quod etiam de medicamentis sudorificis, diureticis, aliisque toto die animadvertitur. Nonnunquam Natura stimulum quidem apprehendit, & ad motum quendam suscipiendum per eum instigatur; ipsa tamen motum pro lubitu ad locum a medici intentione sæpe prorsus alienum, dirigit. Quid frequentius est, quam quod loco fluxus menstrui a medicamentis emmenagogis, ordinaria quidem dosi, aut incongrue adhibitis, vel hæmoptysis, vel mictus cruentus, vel alia hæmorrhagia producat?

§. XVIII. Concludimus ergo, medicamenta primario sensum vitalem afficiendo, per Naturam operari; nonnunquam tamen operationem eorum mixtam esse, ex motibus, ab ipsa Natura procedentibus, quorum respectu Natura active sese gerit; & ex motibus in crasi humorum a medicamentis immediate excitatis, quorum respectu Natura passive sese habet. Longe tamen id, quod Natura ipsa contribuit, illi, quod a medicamentis immediate adfertur, antistat: adeoque sanitatis restitutio magis ab illa operatione speranda & capienda, quæ a medicamentis per indirectum, mediante Natura exhibetur, quam ab ea, quæ directe ab illis in humoribus, ceterisque partibus efficiuntur.



Conclusio generalis ex antedictis.

CAPUT III.

DE

Sensu in Natura grato vel molesto, qui ex Convenientia aut inconvenientia Curationis externæ cum curatione intrinseca resultat.

Seu

De curatione congrua vel incongrua.

§. I.

Medicus natura se accommodat;

quia natura libere agit.

& omnia accurate examinat.

EX iis, quæ superiori capite dicta sunt, facile intelligi potest, non licere medico curationem juxta leges suæ theoriæ, utut vero simillimæ, instituire, nisi ea experientiæ exacte respondeat, neque enim medico eo respicere satis est, quid forte in oeconomia corporis locum invenire, fieri aut non fieri possit, sed quid revera locum inveniat & admittatur. Principium enim, quod in corpore later, deque conservatione tum sui tum corporis, admodum sollicitum est, neutrquam sese alius arbitrio submittit: sed quoniam a Conditorum summo corporis sui medicus constitutum, atque ea cognitione ac facultate, quæ ad opus hoc requiritur, sufficienter instructum est, pro suo arbitrio, secundum lumen illud, vim ac indolem, coelitus ipsi concessam, quæ legis instar ipsi est, agit. Quare omnia ea, quæ ipsi aliunde adveniunt, quibusque in corpore quid movetur, ad indolem illam, quasi ad motuum omnium, qui in corpore fieri debent, Archetypum refert, & quatenus cum ipso convenient, probe explorat & dijudicat.

§. II.

§. II. Quoniam vero, ut hoc fiat, omnino necessarium est, ut Natura rerum omnium corpus ingreditur vel tangentium, plenam acquirat notitiam, hinc excubias suas sedulo agit, i. e. sensationi incumbit, qua, quicquid corpori vel admovetur, vel ingeritur, examinat, cujusnam sit virtutis ac indolis, utrum admitti debeat necne? Quod enim universum corpus, singulaeque ipsius partes sensu gaudent, ejus hæc est causa, ut Natura ejus rei cognitionem consequatur, qua quævis corporis partes continguntur. Inprimis autem in illo loco ubi aditus est seu introitus ad partes nobiliores & vitales, in ore, & in specie in lingua subtilissimus fit sensus, & examen quasi rigorosum instituitur, antequam res assumptæ deglutiantur, in quem finem etiam lingua duobus nervorum paribus, adeoque præ omnibus reliquis partibus plurimis nervis prædita est.

examen naturæ perficitur sensatione, quæ

a nervis originem habet.

§. III. Sensus tamen interiores, quibus internæ partes gaudent, multo videntur esse subtiliores, omniumque acutissimi; quippe quibus proprie Natura solet dijudicare, quomodo res illatæ ad vitæ naturalis oeconomiam sese habeant, & qua virtute respectu mixtionis corporis sint instructæ. Quæ enim interdum in sensoriis exterioribus nullum fere sensum excitant, sensibilibus tamen partes internas afficiunt; uti ex multis medicamentis, vomitoriis, purgantibus, aliisque patet. Si quis vel caseum, vel alium quemcunque cibum insigniter abhorret, qui vero ipso inscio aliis cibis intermixtus ipsi ad comedendum datur, sæpius quidem contingit, ut homo talis fraudem non animadvertat, nec gustu cibum, quem averfatur, percipiat, nihilominus tamen illo assumpto, angore insigni, conatibusque vomendi, moribusque aliis, morbis etiam nonnunquam gravissimis eum hominem corripit, experientia

Internæ partes sensum acutissimum habent

testatur. Ex hoc intelligimus, quam tenero natura sensu utatur, in percipiendis & dijudicandis iis, quæ ad partes vitales accesserunt. Inter has primo loco ventriculum, respectu sensibilitatis ponimus, commune illud receptaculum earum rerum, quas natura ad corporis viscera proxime admissura est, in quo per tenerissimum ipsius sensum accuratius adhuc examinantur. De hujus insigni imo eminentissima sensibilitate omnes fere testantur anatomici, multorum in eo nervorum concursus notantes: immo totus intestinorum, præcipue tenuium, tractus valde est sensibilis, absque dubio ob eandem rationem, ut ea, quæ naturæ molesta sunt, per alvum adhuc possint excerni, antequam ad humores atque viscera transeant.

Interque sensus,
internus & ex-
ternus in mor-
bis augebitur,

§. IV. Quanquam itaque sensus internarum partium insignis utique & summe subtilis sit, subtilior tamen longe & acutior existit ille in morbis: id quod ex sensu etiam externo, non minus in morbis augecente, patet: ægroti enim omnia & vel levissima facilius persentiscunt, ita ut etiam ordinaria aeris temperies ipsis molesta euadat, alterationesque in motu partium tonico illi exinde patiantur, dum sensu quodam frigidulo afficiuntur, de quo conqueri solent, daß sie immer fröstele, cum tamen, qui incolumes sunt, eodem aere fruantes, nihil ejus sentiant. Hæc sensibilitas ad animum sese etiam diffundit, de quo testari solent, es greiffe sie ein jedes ding so heftig an / und möchte sie eine fliege an der Wand ärgern. Tanta & corporis & animi sensibilitas in phthisicis inprimis maxime apparet, & apud illos etiam, qui quanquam non decumbant, semper tamen corporis imbecillitate quadam laborant, die immer franken und schwächlich seyn / quorum debilitatem rectius sensibilitatem appellandam esse arbitramur. Tale quid observavimus in viro quodam juveni,

variis corporis infirmitatibus sæpius obnoxio, qui cum satis bene sese habens potu calido, infusi herbæ Thee uteretur, eoque facto, in museo deambularet, & ad fenestram accedens, fenestellam aperiret, statim, ordinarium modo aerem sentiens, male se habuit, & quadam fere lipothymia affectus est, ita ut accersitus, eum in magna adhuc corporis infirmitate lecto decumbentem invenirem.

§. V. Summa hæc sensibilitas extraordinaria in partibus internis præcipue observatur. Hinc evenit, quod si ægrotantes amicorum aliorumque suasu parum tantum cibi, de cetero mollis, digestuque facilis admittant, statim anxietatem & cardialgiam persentiscunt, sæpius etiam vomitu tandiu exercentur, dum particula illa cibi, quam assumerunt iterum ejiciatur. Hæc symptomata evidentissime e sensu illo manifesto orta esse apparet, cum Natura curationi corporis sui unice nunc intenta digestionem incumbere detrectet, corpusque cacochymicum nutrire recuset, & propterea cibum ingestum iterum amolitur. Quemnam medicorum latet, medicamenta, quæ nullum sæpe, si ab homine sano assumantur, sensibilem effectum edunt, evidentissime eum exhibere, si ab ægrotato adhibeantur? Quis ignorat, medicamina dosi longe minori virtutem suam in ægrotantibus, quam hominibus sanis præstare. Constat nobis de quodam ægrotante, cui de pilulis leniter laxantibus non nisi unam tuto assumere licebat, cum tamen ordinaria dosis 6. vel 7. pilularum, alvum vix bis terve movere soleat; sic alii 6. vel 7. granis copiose laxantur, ubi alii ne 20. quidem grana sufficiunt. Alium ægrotantem a paucis tantum granis Nitri depurati, vel Tartari Vitriolati diarrhoeam passum esse, sæpius animadvertimus.

Sensus internus in morbis multo acutior

Hujus sensibi-
litas causæ
sunt vel naturæ
solicitude &
metus

vel fibrarum
tensio

Officia medici
erga naturæ
sensibilitatem
ne curatio fiat
incongrua

§. VI. Hæc, de qua locuti sumus, Naturæ in morbis sensibilitas primario quidem ex interna illa cura & solitudine, nec non timore & angustia oritur, in quibus illa ob periculum, quod vitæ imminere videt, versatur. Hæc enim pathemata magnam attentionem, & majorem ad sensoria applicationem in illa efficiunt, ut de omnibus quæ in corpore oriuntur, plenariam recipere possit cognitionem: v. gr. qui in timore ac terrore ob externum quoddam & grave periculum versatur, levisimum etiam strepitum persentire potest, Wenn sich nur ein blätgen rühret. Accedit tensio illa extraordinaria fibrarum, ægrotantibus ut plurimum familiaris, qua sensus subtilior multo redditur. Hinc qui torturæ ob crimina perpetrata subjiciuntur, maximis afficiuntur cruciatibus, quando eculeo omnibus membris extenduntur. Quod si insuper, dum ita extensi sunt, vel tenui tantum fune leviter cæduntur, acerbissimum exinde patiuntur dolorem, quem relaxatis iterum partibus persentiscere non solent. Quod autem fibrarum quædam extensio apud ægrotantes ordinarie contingat, animadvertere licet partim e faciei forma notabiliter immutata, tensa, contracta, daß sie fränklisch und stiel aussehen / partim ex ipso tensionis sensu, in principio potissimum morbi manifesto, quem ita exprimere solent, es sey ihnen als wann alles gespannt wäre.

§. VII. Cum itaque subjectum adeo sensibile proprioque arbitrio agens medici curæ committitur, cognosci facile poterit, quam caute, quam prudenter ipsi agendum sit, ne Naturæ, quæ ex sensu læsionis corporis jam tum in angustias, timorem & laborem redacta fuit, novus sensus, novus labor, nova impedimenta per improvidam medicamentorum applicationem, ac inconvenientem

versæ curationis methodum attrahantur, atque adeo ægrotus in multa majora pericula aliorum imprudentia præcipitetur. Caveat sibi itaque medicus, ne flammæ oleum affundat, neue adhibita medicatio Naturæ magis sit offendiculo, quam allevamento. Declarabimus rem simili quodam. Quod si incendio quodam in domo exorto, non tantum domus, sed homines etiam ipsi, eam inhabitantes, in præsentissimum perniciæ discrimen venturi essent, nisi omnem curam, operamque adhiberent ad incendium illud extingvendum: dubium non esset, incolas omnes, in extremis quippe versantes angustiis, omnium rerum curis abjectis, in id solum maximo studio connisuros esse, ut ignis extingveretur. Ubi vero deinde amici accederent, & aqua illisque instrumentis, quibus ignis facilius restingui posset, allatis, manum labori admovent, materiamque, qua ignis nutritur, removerent, magno utique miseris istis hominibus solatio forent, multumque contribuerent, ut e periculo illi facilius multo emergent. Si vero isti amici secum vellent disputare, num quis homo domum inhabitaret, incolas autem, & eorum opera quæ faciunt, pro incendiû umbra, motuque flammæ reputarent, porro aquam quam attulerunt, in ipsos effunderent: aut si loco aquæ oleum apportantes, illud igni infunderent, quis quæso dubitaret, infortunium miserorum hominum hac ratione nimium quantum auctum, eosque loco sperati aut expectati solatii & auxilii in summos dolores, imo in desperationem conjectum iri. Ut ergo hi opem suam admodum incongrue præstiterunt, quanquam eadem fere ac priores egisse videantur: Ita quoque plurimum interest, inter medici operam seu curationem Naturæ negotio convenientem vel inconvenientem; ac inter applicationem medicamentorû congruam & incongruam:

ex illa enim solatium, levamen, & magnum in medendis morbis emolumentum promanat; ex hac vero tristitia, perturbatio, furor & desperatio non raro proficisci solet.

curationis convenientiam petat medicus

ex naturæ indole & intentione

§. VIII. Competit ergo medico, qui voti sui in curandis morbis compos fieri, aut ad minimum munere suo recte fungi desiderat, ut convenienter omnia simul ac prudenter agat. Convenientiam autem curationis, non ex ullo conceptu veritatis quadam specie ornato, nec ex theoria auctoritate plurimorum suffulta petere debet, sed ex ipsa Naturæ indole, intentione & agendi modo. Nec sufficit, ut curandi methodus cum theoria, quam sibi de morbis eorumque causis formavit, quam optime congruat; si eadem oeconomiae motuum vitalium non responderet. Verum, cum Natura corporis sui medicatrix est, ac ipsa, uti ex antecedentibus patet, operationem medicamentorum moderatur, sensuque admodum tenero & delicioso circa medicamentorum administrationem versatur, necesse est, ut medicus animum suum eo dirigat, ne quid contra Naturam molitur, nec sensum, qui Naturæ molestus sit inducat, quippe, eum deinde alii motus admodum inconvenientes certo secuturi sunt.

Curationes congruæ signa modosque

§. IX. Ad congruam morborum medicationem autem requiritur, ut medicus *intentionis* Naturæ in quolibet morbo sibi propositæ non ignarus sit, *materia peccantis* morbis substratæ qualitatem & speciem probe perspiciat, *organa* quibus secerni, *viasque*, per quas excerni potest, cognoscat, *tempus*, quo Natura adversus illam operatur, & *ordinem* secundum quem in quolibet morbo procedere solet, intelligat, *motusque ordinarios* ac debitos ab *extraordinariis* & erroneis sollicite distingvat, *motus vero consuetudinales* cum erroneis non confundat, *proportionem* quæ in mo-

movendo tenetur, secundum temperamentorum diversitatem probe discernat. Hoc rite perspecto, scopum cum intentione Naturæ uniformem sibi præfigat eumque iisdem, quantum possibile est, organis ac viis, quibus Natura ordinarie uti solet, obtinere studeat, materiam ipsi præparet, omnia debito tempore moveat, in curatione seu in corrigendis, discernendis & excernendis impuritatibus, eodem ordine, quo ipsa Natura vult, utatur, & ita illi in motibus suis necessariis manum obstetricem præbeat, illosque ita cum tranquillitate Naturæ feliciter ad finem perducatur, erroneos vero, alios quidem toleret, alios vero, caute tamen, corrigat, nunquam autem absolute eos supprimat. Hæc omnia exequatur, vel medicamenta applicando, vel regimen præscribendo. Medicamenta ita comparata esse decet, ut eorum virtus cum intentione Naturæ & medici exacte conspiret, adeoque Naturæ iucunda ac optata euadant, materiam, quæ in illo morbo subesse suspicatur, corrigant, aut ad minimum ad secretionem præparent: in primis autem sensum moderate afficiant, ne nimium irritando, motibus turbas inferant. Regimen itidem intentioni Naturæ conforme esse debet, ut motus & operationes ipsius libere sub eo possint fluere, externumque regimen internis naturæ conatibus neque sit impedimento, neque necessarias eruptiones suffocet.

§. X. Hac opera, si rite medicus functus est, dulcissimum in Natura solatii, imo lætitiæ sensum excitabit, nonnunquam tam evidentem, ut ab adstantibus etiam possit animadverti, cum ægrotum ab assumptis medicamentis tranquilliores redditum esse (cum antea admodum inquietus esset) vel vigorem animi recepisse videant, cum viribus menteque prostratus antea videretur; id quod illi ita testari solent: der Patient sey nach dem Gebrauch

curationis congruæ fructus

brauch der Arzney ruhiger und stiller worden / oder er hätte sich darauff wieder ermuntert. Nonnunquam quidem ejusmodi virium animique resectio ita sensibilis & apparens non est, a medico tamen ex motuum mutatione universoque morbi statu emendato facile colligitur, utpote quem in ordinem iterum redactum, optimæque Naturæ intentioni iterum respondentem animadvertit, ex quo bonum denuo eventum præfagire potest. Magnum itaque est illud auxilium, quod a medico, usu rerum prudenter ac congrue agere edocto ægrotantibus adferri potest.

Curationis incongruæ ratio & signa,

§. XI. Longe aliter res sese habet cum curationibus incongrue ac inconvenienter adhibitis. Quid hoc nomine indigitatum velimus, ex antecedenti §. 8. facile colligi poterit. propterea hic non intelligimus eum curationis modum, qui cum medici theoria, quam de morbis eorumque causis fovet, pugnat; nec id tantum sub hoc nomine comprehendimus, quando quis in homine, v. gr. malo ischiadico affecto curam ita instituit, ac si calculo laboraret, sed id potius hac voce indicare placuit, quando Naturæ operationes adversus morbos vel non agnoscit medicus, vel non pro conamine utili, necessarioque reputat, *intentionem* Naturæ in quolibet morbo non perspicit, *materia morbifica* vel qualitatem vel quantitatem non intelligit, aut aliam, quæ in corpore locum prorsus non invenit, plus nempe, quam sexcentos illos sapores sibi fingit; *organa* ad secretionem applicanda, *viasque* ad excretionem in quolibet morbo aptas non cognoscit, *tempus*, quo Natura ad operandum proclivis aut difficilis est, non discernit, *ordinemque*, quem in operando servat, non animadvertit, *motus*, in quocunque morbo *necessarios*, saltem *consuetos* a superuacaneis, inconfuetis ac erroneis non distin-

distinguit, & *proportionem*, quæ in movendo per temperamentorum aut consuetudinis diversitate diversimode instituitur, non observat, *motusque consuetudinales* cum erroneis confundit, medicamenta mediante Natura sensum illius afficiendo operari non agnoscit, sed effectum immediate ab ipso remedio & absolute procedere temere autumat.

§. XII. Ex his itaque concludimus, curationem incongruam eam esse, quæ immediate adversus motus in morbis sese exerentes, directa est, quando motus morbum proprie non constituunt, neque ex læsione corpori illata, immediate fluunt, v. gr. si in inflammationibus, tam internis, quam externis, in pleuritide, peripneumonia, hepatitide, nephritide, &c. contra motum calefacientem, per accidens dolorificum remedia applicantur: Si in febribus contra æstum motumque cordis celeriores; in variolis & morbillis, in purpura, in erysipellate, in scorbuto, in scabie, in crusta lactea, in lue venerea, in dentitione infantum, pharmaca adhibentur contra eruptiones & efflorescentias, cuique horum familiares, motusque illos promoventes; Sic in phthysi & asthma contra tussim, in hæmorrhagiis contra sanguinis effluxum; in vomitu ac Diarrhoea contra molimina, eo consilio suscepta, ut materia aliqua eliminetur; in partu contra motus spasmodicos medicamenta dantur. Incongruam curationem reputamus, quando quis contra conatus, quibus natura vel hæmoptysin, vel mictum cruentum machinatur, ire, eosque sine venesectione, constanter amoliri nititur, præsertim in corpore plethorico, & ubi ejusmodi conamina a nulla vi externa originem habent. Incongrua est curatio, si quis Arthritidem veram, pleuritidem spuriam, Podagram, Gonagram,

Curationis incongruæ species quarum

I.
quæ contra motus in morbis excitatos directa est.

Chiragram, malum ischiadicum, illamq; mali hypochondriaci speciem, sub qua molimina hæmorrhoidalia latent, motibus spasmaticis retinendo, velit opiat, (ut exemplo utar) extingvere. Incongrua est curatio, si quis morbis, a venesectionis aut scarificationis consuetæ neglectu provenientius, absque venesectione aut scarificatione repetita, vel sudorificis vel purgationibus, vel sanguinem mundificantibus mederi putat, vel si quis febres, quarum typus jam formatus est, venesectione curare intendit

2.
ubi nullus
materiæ ex-
cernendæ re-
spectus.

§. XIII. Incongrua est curatio, ubi vel nulla materiæ correctio seu præparatio instituitur, & motibus tantum obviam itur, vel ubi totus quis est in corrigendis alterandisque humoribus; vel ubi quis materiam corrigere satagit, qualis vel nunquam in corpore orta fuit, vel nunquam est oritura. Incongrua est Curatio, si quis excretiones materiæ cujusdam pellentibus, stimulantibusque urget, ubi organa ad secretionem necessaria, læsa, viæque vel clausæ, vel ad transitum materiæ ineptæ sunt, v. gr. si menses pelluntur, cum sanguis admodum spissus est, vel viæ, per quas ille fluere debet, sunt contractæ, aut angustiores factæ; si calculus pellitur, qui tantæ adhuc est magnitudinis, ut per ureteres aut urethram transire nequaquam possit: si quis in febribus malignis aliisque, ubi subtile admodum miasma febrile subest, vomitibus, purgationibusque incongruis aut venæsectionibus malignitatem educere conatur, utpote quæ, quamdiu tam eximia ejus est subtilitas, per hæc organa excerni nec debet, nec potest.

3.
ubi nullum
temporis dis-
crimen ob-
servatur.

§. XIV. Incongrua est curatio, quando quis excretionem criticam, macularum in febribus sudorumque eruptiones ante definitum tempus medicamentis sanguinem valde moventibus pellentibusque quadam quasi vi extorquet, quod etiam de hæmorrhagiis criticis intellectu

Etum volumus: si calida & alexipharmaca imminente paroxysmo febrili adhibentur. Incongrua est Curatio, si motus Naturæ erronei promoventur, v. gr. si congestiones humorum circa pectus expectorantium abusu augentur, si molimina nephritica congestionesque sanguinis circa renes lithontripticis confirmantur: si in congestionibus humorum in capite copiosior eorum affluxus abusu errhinorum seu sternutatoriorum attrahitur.

§. XV. Incongrua est Curatio, si quis eruptionem æque celerem variolarum, morbillorum aliarumque evacuationum criticarum velit extorquere, in temperamento ac phlegmatico ac in temperamento cholericco; si tardiores primam menstrui fluxus perruptionem, in puellis phlegmatici habitus pro morbo existimat, illumque medicamentis pellentibus citius provocare studet; si quis in foeminis cholericis citiorem mensium cessationem pro vitio habens, medicamentis eos calidis aut emmenagogis ulterius pellere laborat. Incongrua est curatio, si consuetæ impetuositati cholericorum, eorumque qui omnia cum vehementia quadam animi agere solent, nihil vult indulgere, sed symptomatum eorum in morbis vehementiam vi quasi ad typum ordinarium redigere; si motus spasticos, epilepticos, syncopticosque, quibus nonnulli levi quacunque causa occasionali exorta, obnoxii esse solent, ad febres aliosque eorum morbos accedere solitos, cum illis confundit, qui absq; tali consuetudine prægressa, oriuntur, & vel animum abjicit, vel peculiarem curationem contra hos instituit.

§. XVI. Incongrua est curatio, si in iis subjectis, aut in illis morbis, ubi sensus Naturæ acutus & subtilissimus deprehenditur, ut in personis cholericis & in morbis acutis, medicamenta adhibentur drastica, stimulantia sensum.

que

4.
ubi conatus
erronei pro-
moventur

5.
Ubi tempera-
menti ra-
tio non ha-
betur.

6.
nec motuum
consuetudi-
narium.

7.
Ubi præpos-
ta medica-
mentorū
applicatio.

40 CAP. III. DE CURAT. CONGRUA VEL INCONGRUA.

que fortiter moventia; si ea magnis dosibus, præcipue, ubi terreæ sint consistentiæ, ventriculumque gravent, applicantur; si medicamenta, quæ admoventur, virtutis mixtæ sunt, quæ ex una parte quidem medici & Naturæ intentioni inserviunt, ex altera vero parte, motus inconvenientes inferunt; si ægrotantes ad eas remediorum formulas adstringuntur, adversus quas innata quadam aversione feruntur, dum e. gr. nonnulli pulveres absque ingenti Naturæ commotione, motumque vitalium perturbatione assumere nequeunt.

8.
Ubi regimen
ægris incon-
gruum præ-
scribitur.

§. XVII. Incongrua est Curatio, si Regimen ægrotantibus tale injungitur, quo vis quædam Naturæ inferatur, illaque ad ea cogitur, ad quæ neque ratione indolis, neque ratione temporis proclivis est; si in morbis, in quibus orgasmus quidam sanguinis metuendus est, ut in febribus, hæmorrhagiis, nimio hypocaufti æstu, stragulorumque mole patientes nimium onerantur; si in febribus, Diarrhoeis aliisque morbis ad sitim extinguendam sufficiens potus negatur, vel interdicitur, item si cibus ipsi obtruditur, si ille cibus, cui assuefactus est ipsi negatur; si iis, qui calculo laborant, salis usus in cibus prohibetur.

Curationis in-
congruæ da-
mna.

§. XVIII. Hæc sunt præcipua illa medicationum incongruarum genera, in species suas divisa, quæ ideo incongrua sunt, quia Naturæ adversantur, adeoque sensum ipsi adversum, molestumque movent, qui alios variosque gignit motus, ad tollendum morbum valde ineptos, noxamque inducit sæpe gravem, immo gravissimam, nonnunquam insuperabilem, aut corruptos ad minimum morbos relinquit. De quibus vero in sequentibus prolixius differemus.

CAP. IV.

CAPUT IV.

DE

Noxa in genere, ex incongrua Curatione propter Naturæ sensum proveniente.

§. I.

Quantum in homine irritationis sensus valeat, quotidiana experientia uberrime testatur. Quid enim est, quod hominem ad virtutis studium excitat, nisi sensus quidam in animo excitatus? Quid aliud quam ejusmodi sensus eundem ad vitia flectit? Quis est, qui, quanta sit efficacia exemplorum, quantamque animo vim inferre soleant, ignoret? Quis sensum, qui per ea in animum inducitur, non intelligit? Equidem ex corrupta hominum post lapsum indole oritur, ut vitiorum motuumque pravorum fortiora sint irritamenta, quibus miser homo promptius, ac quasi ex lege obediat, quam illi sensui, qui ad vitam honestam atque piam incitatur; huic enim longe facilius resistere solet. Quid? quod si sensus ille, ad mala hominem stimulans, animæ aliquoties impertitus fuerit, ipsaque obedientiam illi præstiterit, dominatur quasi homini, & in eo deinde tam potens existit, ut vix amplius, ac ne vix quidem illi repugnare valeat. Et quanquam ipsum haud fugiat, fructum se ex opere malo bonum non percepturum, sed in damnum potius quoddam inevitabile certo ruiturum; tamen ad quodcunque vitium, quotiescunque malorum stimuli admoveantur, abripitur. Si quis ebrietati deditus damna illius & in animo & in corpore manifesta persentiscit, licet sese ab hoc vitio expedire sæpe sibi

Irritationis sensus multum valet.

malorum irritamenta valentiora

quod ostenditur

in exemplis

bibonum.

F

pro-

& iracundo-
rum

quid irritatio
in negotio vi-
tali?

Noxa genera-
tim descripta
sensus incon-
grui ex curati-
one incongrua
orti

Noxa in specie

1.
naturæ corru-

proponat, raro tamen id, quod mente constituit, opere præstat. Quando enim pristina potandi occasio denuo sese præbet, aut ille in eo hominum consortio versatur, qui potationes illi persuadere satagunt, & pocula porrigunt, aut ceteros bibones pocula strenue exhaurire videt, sensui tandem, qui in animo excitatur, succumbit. Si iracundiæ quis indulget, quanquam gravissima exinde damna, multosque & acerbissimos corporis dolores sæpius jam perceperit, non tamen sese ab ea continere poterit, ubi ad eandem denuo provocatus fuerit. En! quanta vis sensus sit in homine, quo ad mala patrandam sollicitatur?

§. II. Cum ergo ingens illa ac deploranda noxa, quæ e sensibus commotis animæ imminet, ex his elucescat; quid est, quod dubites, damnum non sane leue corpori etiam adferri, a sensu Naturæ, in curationibus improvide ac infeliciter irritato? Nec est, quod mireris, cardinem curationum incongruarum in eo verti, sicut a nobis in antecedentibus affirmatum est. Experientiæ enim testimonio suffulti, certo nobis persuademus, imo certissimi sumus, omnia malorum genera, quæ ægrotantibus accidere alias possunt, etiam ex illo pullulare. Quemadmodum enim, ut in præcedentibus demonstravimus, curatio conueniens, conuenientem in Natura mouet sensum, sensusque conueniens conuenientem motum producit; Ita Curatio incongrua incongruum in Natura excitat sensum, sensusque incongruus incongruum etiam motum gignit. Quid itaque damni exinde proficiscatur, in aprico quidem est; in sequentibus tamen accuratius illud euolvere nobis non erit ingratum.

§. III. Considerantes ergo damna illa, quæ ex sensu ab incongrua curatione inducto, exoriuntur, deprehendimus ea magnam partem in seductione quadam naturæ

con-

consistere, qua ista sese interdum ad varios motus incongruos efficiendos permoveri absque renisu patitur, vel, si jam in statu erroneo constituta est, in illo confirmatur. Prava autem operandi ratio in hoc consistit, quod intentionem quidem optimam, Corporis nempe conservationem, seu materiæ cujusdam evacuationem natura retineat, ab illis autem organis viisque, quibus finis ille salubriter obtineri potest, recedat, alium sibi agendi modum eligendo, quo intentionis vel plane non, vel ad minimum non absque novæ læsionis periculo compos fieri potest. Ut hæc quæ diximus exemplo quodam illustremus, hoc tantum allegare placet: Si imminente fluxu menstruo aut hæmorrhoidali, aut durante illo vena in brachio secatur, fluxus, ampla imprimis incisione facta, impeditur, vel turbatur, quoniam Natura cum motu sanguinis versus illum locum se convertit, in quo incisio seu irritatio facta est: Contra vero si in fluxu tali vena in pede aperitur, profusio sanguinis copiosior redditur, morbusque si subest, augetur. Plura exempla infra dabimus, ubi noxas specialius euolvemus.

§. IV. Ut plurimum autem sensus ille, qui ab incongrua Curatione adducitur, non simpliciter tantum Naturam seducit, sed molestus etiam ipsi euadit, unde ordinarie *perturbatio* quædam oritur. Dum enim illa operationi, quam suscepit, intenta est, totaque in ea est occupata, impeditur illa ac turbatur, accedente illo sensu, quo ad aliam operationem auocatur, ut eam, quæ sub manu est, modo convenienti temporeque definito absolvere non valeat.

§. V. Quoniam vero Natura operationem illam adeo necessariam ducit, ut ægre admodum ab illa divertatur; hinc fit, ut primo *molestiam* quandam exinde percipiat,

prio & illecebræ
ad motus prava-
vos

2.
naturæ perturbatio

3.
molestia,

ur contra eat, perseverante autem medico in illa incongrua medendi ratione, tunc Natura ipsi renititur, motusque contra hanc vim ipsi illatam, eadem solertia & labore ac contra ipsum morbum producere incipit.

4. Iracundia, sollicitudo & desperatio, §. VI. Si inconveniens illa cura nihilominus continetur, accedit angor, quem vel iracundia seu furor, vel sollicitudo vel desperatio sequitur. Natura enim se a duplici hoste nunc inuasam cernit, a morbo scil. interitum corporis minante, & a medico necessarias contra morbum operationes impediende; adeoque ea ab utroque hoste vexata, quo se primum motibus suis vertat, non perspicit, non leui exinde angore afficitur, cum vitæ interim periculum magis magisque augescens animadvertat. Hinc injuriæ, tum corporitum sibi illatæ, impatiens, perspecto summo, quod in mora consistit, periculo, ad extrema, etiam sæpius quasi furibunda, confugit, & impedimenta vi removere aut ea percurrere molitur, quo fine summo cum impetu, convulsionibus etiam productis, agere solet, vel ex adverso velut desperabunda animum abjicit, omnesque posteriores operationes suspendit.

5. confusus morborum decursus §. VII. Hæc omnia pro diverso molestiæ illius, quam Natura persentiscit, gradu, diversimode in Natura existunt; motus etiam, qui ex tali perturbatione proficiunt, varii quidem, omnes tamen incongrui sunt. In primis facile confusus morbi cursus, nullo ejus legitimo typo formato, exoritur: & cum ille alias paroxysmos suos, certo statoque tempore formaret, totus ille motuum ordo inversus nunc cernitur. Paroxysmi non in consuetum tantum tempore & inexpectato, ægrotantem invadunt, ac modo brevi, modo longiore temporis spatio iterum transeunt, sed incerta etiam symptomata, eaque mutabilia, referunt. Hæc noxa in morbis periodicis, præcipue

pue autem in febribus, frequens quidem, ast non levis esse solet: quemadmodum enim illa motuum inconstantia, perturbatam, confusamque Naturam testatur; ita ex confuso hoc agendi modo certi solidique nihil medicus potest augurari. Correctio enim humorum, materiæque morbigicæ præparatio in hoc rerum statu non rite perpetratur; quæ vero si cruda relicta fuerit, neque secretio ipsius potest succedere; secretionem autem rite non transacta, excretio ipsius salubris impossibilis prorsus euadit.

§. VIII. Tanti etiam errores Naturæ perturbatione gignuntur, ut illa vel nimio impetu, vel motibus prorsus alienis agat. Hinc insignes illæ humorum commotiones proueniunt, quæ deinde euacuationes in morbis admodum copiosas ac immodicas ipsi etiam morbo nonnunquam valde incongruas pariunt, ut, hæmorrhagiarum copiosam in febribus petechialibus, aut variolis, & in illis quidem diebus, quibus efflorescentia succedere debebat: aut si forte hæmorrhagiæ tentatæ sint, sed non perruperunt, vel pro Naturæ conatu, licet erroneo, non sufficienter fluant, congestiones sanguinis in capite inflammationesque Meningum sequuntur, ex quibus ingentes & lancinantes capitis dolores in deliria degenerantes proueniunt, quæ tamen nil nisi nouas morbi formas & turbas, novos errores parturiunt.

§. IX. Nonnunquam nova morborum & plane inconstituta symptomata, immo novi morbi ex tanta Naturæ perturbatione, curationeque incongrua producuntur. Quoniam enim inconuenienti medicamentorum applicatione, superfluaque ac incongrue suscepta humorum correctione, nova sæpius materia noxia, Naturæ antea incognita fabricatur, quæ novam læsionem infert; fit, ut

6.
Varii naturæ
errores

7.
nova ac inu.
stituta sympto-
mata, noui-
que morbi.

Natura illi extraordinaria plane ratione obviam ire, novumque modum illam subigendi, alia organa ipsam secernendi, aliasque vias eam excernendi excogitare cogatur: ex quo necessario etiam nova ac insolita morborum symptomata contingunt, ac inconvetæ evacuationes, aut certe molimina ad eas directæ oriuntur. Morbus itaque qui simplex fuit, per alterantium, quæ vocant, abusum ita alteratur, ut in duplicem seu compositum transeat. Huc etiam referenda est ea morborum transmutatio, cum febris intermittens in continuam, & febris tertiana in quartanam degenerat.

8.
Debilitatio
naturæ,

§. X. Nec silentio hic prætermittendum est, quantum natura ab ejusmodi perturbationibus, variisque exinde prognatis motibus, ut plurimum sibi invicem contrariis, fatigetur, debilitetur, ac quasi enervetur: exhausti enim tandem vires a motibus illis, qui extraordinaria energia & attentione, sub constanti partim metus partim terroris aut sollicitudinis affectu eduntur: hinc defessa tandem Natura succumbit. Ex hoc non restitutio tantum tardius sequitur, quam ordinarie solet, sed morbus etiam in lentum ac chronicum facile abit, immo nulla unquam, perfecta valetudo efficitur, partim, quia Natura debilitata morbi semina perfecte non extingit, partim vero, quia viribus penitus exhausta & exuta, motus in posterum vitales cum debito vigore amplius præstare non valet. Quoniam ergo digestio in tali statu non rite absolvitur, succusque nutritius admodum crudus præparatur; ordinariæ vero humorum impuritates non rite secernuntur; hinc semper status corporis morbidus relinquitur.

9.
Obstinatio
naturæ unde

§. XI. Ut plurimum etiam tanta ab incongrua medicatione fit morborum corruptio, quæ curationem eorum

rum difficilem admodum reddit: Natura enim incongruam curationem adeo nonnunquam abhorret, ut stimulo, quo a motibus suis revocatur, non tantum non obediat, sed propriis suis motibus eo pertinacius insistat: v. gr. si hæmorrhoidibus opiata vel adstringentia directe opponuntur, fluxus nonnunquam iisdem augeri observatum fuit; immo, accedente hac pertinacia, motibus suis ita inhæret, ut omnem deinde optimamque etiam curandi methodum ac efficacissima remedia respuat, eorumque operationem, utpote suspicax & timida, vel prorsus non, vel difficulter admittat.

legitima etiam curati
difficilis.

§. XII. Tandem & illam adhuc noxam, quæ læsionum omnium terminus est, mortem scilicet hic allegamus, quæ ab incongrua curatione toties totiesque inducitur, & quanquam mors à supra jam notatis noxis per indirectum tandem inferatur, nonnunquam tamen etiam directe incongruam curationem sequitur, si nempe medicus, in morbis valde acutis, & præcipue in ægrotantibus admodum sensibilibus contra Naturam ipsam in extremis angustiis, summoque quasi præcipitio positam, quid machinatur; de hoc enim novo ipsi oborto impedimento tanto percutitur terrore, ut in extremam confusionem delapsa vela quasi contrahat, remos abjiciat, & navim suam desperabunda fluctibus committat, quæ quippe a gubernatore suo destituta, eorum impetu facile dissolvitur.

10.
Mors ipsa.



CAPUT V.

DE

Noxa in specie ex incongrua Curatione, propter Naturæ sensum proveniente.

§. I.

Argumentum
totius capituli
f. Noxæ ex-
plicatio spe-
cialior



Volutis itaque noxis seu læsionibus generalioribus, quæ ex incongrua Curatione, propter inconvenientem, quem natura ex ea recipit sensum, proveniunt, ad specialiores progredimur, quas simul exemplis nonnullis illustraturi sumus. Ut autem ordine procedamus, necesse est, ut noxam illam e Curationibus incongruis resultantem consideremus (1) respectu regiminis incongrue præscripti, (2) respectu medicamentorum ratione formæ, qualitatis, aut quantitatis incongrue adhibitorum, (3) respectu materiæ morbificæ incongrue tractatæ, & (4) respectu Naturæ ipsius ac motuum ab ipsa productorum.

Partitio totius
causæ

Regiminis
ratio

incongrui f.
calidioris

damna

§. II. Quemadmodum regimen in morbis recte institutum dimidiam fere Curationis partem absolvit, maximumque Naturæ in operationibus suis, libere eas ac tranquille instituendis levamen adfert; ita & grave est illud impedimentum, quod ex eodem incongrue suscepto progreditur. Nostrum quidem non est, omnia hic damna recensere, quæ ex incongruo regimine oriuntur, sed ea tantum, quæ ex eo proveniunt, ubi a medico tanquam curationis quædam pars ægrotantibus illud injungitur. Inter quæ primo loco illud ponimus, quod ex vi quædam Naturæ illata emergit: v. gr. si in febribus malignis aliis-

aliisque acutis, aut exanthematicis, Variolis & morbillis, in quibus sanguinis commotiones iamtum insignes deprehenduntur insigniores vero ex leuissima occasione verendæ, regimen sudorificum præscribitur, & ægro-
tantes vel stragulorum mole, vel hypocausti nimio calore anguntur. Tali æstu humores, quanquam extrinsecus hoc fit, grauitèr commouentur: commotio autem humorum, si debitam proportionem ac normam transgreditur, non legitimum tantum febris cursum admodum turbat, sed multorum etiam aliorum symptomatum mater est.

sunt
1
Commotio humorum illegitima

§. III. Hæc commotio auget quoque materiam mor-
bificam, utpote quæ ita comparata est, ut ex ipsis corporis humoribus, incongrue tantum motis, adeoque in ipso vitæ quasi gremio generari possit. Materia enim, quæ febribus malignis, petechialibus & exanthematicis subesse solet, ex ordinariis corporis excrementorum profapia, nisi forte extrinsecus per contagium inducta sit, exorta est, & subtilitate tantum ab illis differt. Proinde etiam nihil aliud est quam excrementum quoddam ordinarium ad extraordinariam subtilitatem redactum. Quemadmodum vero malignitas materiæ e subtilitate ejus vel insigni, vel, pro morbi discrimine, summa profiscitur; quæ subtilitas ex motu humorum intestino, & progressu extraordinario ac vehementi ortum habet; ita quam simillimum est vero, si motus ille nimie rarefactivus existit, materiæ etiam talis inusitatam copiam produci. Solent morbilli atque maculæ majori copia in iis efflorescere, quos in regimine nimis calido anxioque detinuerunt, quam in illis contingere videmus, qui temperato calore utuntur. Recordor hic, Excell. D.D. Præsidentem in febribus petechialibus obseruasse, copiosam

2
Auctio materiæ morbificæ

quod fit

per motum rarefactivum

admodum macularum efflorescentiam passos eos esse, quibus et medicamenta, & regimen nimis calida adhibita fuere; nullas fere nonnunquam, vel paucas saltem maculas cum tranquilliore febris cursu, erupisse, ubi ad calida positiva eademque violenta adstricti non fuerunt ægroti.

3
Orgasmus &
pororum ob-
structio

§. IV. Nonnunquam ex tanta sanguinis commotione incongrua tantus ipsius oriri potest orgasmus & expansio, ut quoniam non tantum in venis, sed in partibus etiam carnofis, fibrarumque interstitiis contingit, latera eorum extendendo, poros contrahat, comprimaturque adeo, ut æstus quidem ingens, ast transpiratio necessaria, macularumque ac variolarum eruptio debita, & pro commotionis factæ gradu sufficiens succedere non possit.

Appropinquante igitur excretionis tempore, illaque propter compresas vias, porosque obturatos non rite procedente, natura de euacuatione omnino alia, ast tali morbo plerumque inconuenienti, meditatur, eamque vel per nares, vel per alias partes, ut plurimum glandosas efficere machinatur. Hinc accidit, ut Natura exitum non inueniens, materiam, magno labore ad corporis superficiem partesque ignobiliores detrusam, & ad euacuandum depositam, non absque perturbatione, indignatione ac tædio ad partes interiores, nobilioresque reuocet, ex quo vel hæmorrhagiæ copiosæ, vel diarrhoeæ, sæpius letiferæ, vel vomitus, aliaque mala emergunt.

4
Congestiones
sanguinis

§. V. Equidem ne hæc quidem naturæ intentio in ejusmodi morbis ad finem semper pertingit, sed tantum in moliminibus incompletis subsistit. Inde enim existunt congestiones humorum materiæque morbificæ, & stagnationes in partibus internis; ex his propter materiæ illius malignitatem aut acredinem vel partium tenerarum læsio
vel

vel inflammatio, aut ad minimum irritatio pullulat, ut inflammationes meningum, & ex ea acutissimi capitis dolores, immo deliria; inflammationes faucium ac tonsillarum, inflammatio intestinorum renumque cum urinæ suppressione. Felicius quidem paullo succedit ea congestio, ubi materia ad partem quandam externam transfertur, ut vel inflammatio erysipelacea, vel illius ad certam glandosam partem collectio, quæ bubonem quasi refert, instituat, qua de re exempla non nunquam in praxi occurrunt.

inflammationes
& deliria

§. VI. Inconueniens etiam, quod ex regimine nimis calido oritur, illud non in leuibus habendum est, quod ex immodicis sudationibus provenit. Quodsi enim illæ sub morbi initium immature prouocentur, eruptionem macularum, aut aliorum excernendorum præpropere accelerant, quæ tamen tranquilla ac moderata excretio esse debebat, ægrotantemque mirum in modum debilitant. Nec minus qui sudores immodici vel in statu, vel in declinatione morbi protruduntur, diu deinde, morboque etiam transacto, perdurant, aut facillime recurrunt, ægrotantem impediētes, ne vires recuperare vigoremque recipere valeat, sed plurimum potius per eos enervetur.

§
Immodicæ sudationes earumque damna specialia

§. VII. Eruptionis etiam & sudoris, & macularum, quæ per regimen nimis calidum, adeoque coacte producuntur, tantam habent sensibilitatem secum conjunctam, ut si forte nimius ille caloris gradus paullo remissior fiat, subitus materiæ expulsæ regressus sequatur. Quod etiam accidit, si ægroti, quando propter alvum exonerandam, vel propter aliam leuissimam occasionem aëris quid admittunt, aut si animi quadam perturbatione tentantur, quanquam alias satis bene se habeant, tamen in

6.
metus sensibilitatis nimia, quæ cum illis conjuncta

periculo subitæ mutationis semper versantur. Ne dicam excretiones illas, violentia hac quasi extortas, nimis præmature nonnunquam, & ante præfinitum excretionis tempus, exoriri, malæque admodum fidei esse, dum non tantum uniuersum naturæ negotium ordinemque turbatum testificantur, sed excitæ etiam sunt, materia nondum rite præparata, nec ab humoribus, quibus adhæret, sufficienter avulsa, ac separata.

Regiminis frigidi-
oris ratio

§. VIII. Quemadmodum ergo tanta ex regimine inconuenienti damna surgunt, ubi in excessu circa calorem peccatur; ita grauisima etiam læsio ex isto regimine proficiscitur, ubi in defectu circa eum erratur, & regimen nimis frigidum permittitur, siue illud sit transiens, siue continuatum. Transiens illud appellares, ubi potus nimis frigidus adhibetur, linteamina incaute mutantur, & aër, dum lectum sternunt, admittitur, calente in primis, vel sudante ægroto: continuatum vero nominares, si patientes ex caloris febrilis sensu molesto impatientes facti, stragula abiicientes sese denudare non desistunt; aut si hypocauftum non sufficienter calefactum est, aut si aër ægrotantem, qui prope fenestram jacet, grauius afficit, quanquam adstantes nihil ejus sentire possint. Hæc cum fortasse ad medici curam minus spectare videri possint, utpote ab ægrorum vel adstantium arbitrio dependentia; ad eam tamen omnino pertinere, cohærentia illa, quæ externo huic regimini cum operatione naturæ intrinseca intercedit, demonstrat. Curatio enim Medici de cetero Naturæ conueniens, incongrua evadit, incongruo hoc regimine accedente, quod intentioni & Medici, & Naturæ adversatur.

Cujus noxa

§. IX. Noxa, quæ ex caloris sufficientis defectu provenit, itidem varia est, & quidem primo morbi & operationis

tionum Naturæ perturbatio succedit, inprimis etiam retentio excernendorum vel absoluta, vel nimis diuturna: adeoque excretio, quæ in febribus absolute necessaria est, vel prorsus intercipitur, vel non legitime sequitur, poris non satis patentibus, aut prorsus clausis. Hanc materiæ retentionem translatio quædam excipit, ubi Natura alias excretionem per diarrhoeam, vomitum &c. incongrue substituit, aut saltem substituere machinatur, quando congestiones & stases circa partes externas vel internas format; quæ iterum varias alias læsiones turbasque pariunt, præcipue eas, quas supra, §. V. indicavimus. Si vero refrigerationes ejusmodi post eruptionem macularum, vel exanthematum, aut sudoris committuntur, recessionem, vel repentinam suppressionem eorum efficiunt.

1.
Retentio excernendorum

§. X. Quod si in hæmorrhagiis narium, in hæmoptysi, aut hæmorrhoidibus refrigerationi se homo exponit, excretionum harum alias exacerbatio, alias intempestiva interceptio subsequitur. Exacerbatio in hæmoptysi oritur, ut & in ea narium hæmorrhagia, ubi sanguis ex internis vasis capitis effluit, nec non in hæmorrhoidibus internis. Sanguis enim facta refrigeratione ab exterioribus partibus ad interiores repellitur, & tunc quidem ad interiora propulsus, in majori copia ad partem etiam adfectam defertur: hinc copiosior succedit sanguinis effluxus seu expulsio; quoniam aëris frigiduli sensus spastici quid seu contractionem quandam lenem fibrarum efficit. Interceptio vero præmatura contingit in ea narium hæmorrhagia, quæ originem e vasis capitis sanguiferis exterioribus, cuti substratis ducit, nec non in hæmorrhoidibus externis: contracta enim propter aëris frigidi sensum cute, intercipiuntur simul vasa illi subja-

2.
Hæmorrhagarum exacerbatio

vel suppressio

centia, sanguinisque effluxus impeditur; præcipue dum propter eundem sensum sanguinis ad interiora fiat retro-pulsus. Longum foret omnia damna in ceteris etiam morbis, præcipue, quæ in infantum adfectibus ex nutricum incuria ab illo regiminis vitio prodeunt, recensere: sed hæc, quæ exempli loco allegavimus, scopo nostro sufficere posse arbitramur.

Hæc omnia
fundantur in
sensu Naturæ

§. XI. Hæc omnia ex sensu Naturæ incongrue adfecto proficisci, est evidentissimum. Quicquid enim vel de calore nimio vel de frigore diximus, non secundum certas regulas, aut secundum proportionem mathematicam dijudicari possunt, sed omnino secundum sensum & apprehensionem, quam Natura exinde habet. Neminem Practicorum fugere potest, quantum circa calorem atque frigus in ægrotantibus discrimen sit, ex consveta vitæ ratione. Quicunque calori admodum adfveti sunt, & qui multum circa ignem versantur, majorem, quam ceteri caloris gradum tolerare possunt, immo requirunt. Quid etiam nonnunquam Natura in, sustinendo in morbis frigore valeat, exempla plebejorum & pauperum sensum tam delicatum non habentium docent.

Noxa a potu
denegato

ex

Humiditatis
necessitate
probata

§. XII. Nec ea noxa silentio hic prætermittenda est, quæ provenire solet, quando potus ægrotis sufficiens denegatur, dum quis forte sitim eorum pro malo morbi effectum judicat. Quam incongrue autem hoc, præcipue in febribus jubeatur, ipsa ratio, ne dicam experientia, monstrat. Humiditas enim in statu etiam naturali necessarium est illud instrumentum, quo Natura in omnibus fere suis operationibus opus habet, imprimis in movendis humoribus utpote ad spissitudinem pronis, nec non in secernendis excernendisque impuritatibus; quæ
omnia

omnia absque sufficiente humiditatis quantitate fieri nequeunt: præcipue autem extraordinaria humiditatis copia in febribus requiritur, quia continua, quæ in illis viget, transpiratione, & copiosiore urinæ excretionem, humidi multum perdat, quod Natura compensare studet, per illud humiditatis desiderium, quod sitim appellamus. Repugnatur itaque Naturæ, si potus ægrotantibus denegatur, quæ ita instrumento suo privatur, operationes ipsius necessariæ vel prorsus intercipiuntur vel difficiliiores certe redduntur: cum alias potus, ceterum bene comparatus, riteque adhibitus medicinæ instar, immo analepseos loco esse solet.

§. XIII. Quanta ex adverso noxa sæpius oriatur, si ægrotantibus cibis quidam, renitente Natura, quasi obtruditur, præcipue in acutis manifestum est. Natura enim, quæ in morbis digestionem vacare ordinarie recusat, si cibum in ventriculum intrusum persentiscit, male exinde afficitur, & statim de ipsius excretionem meditat, quod molimina confirmant, quæ ciborum illorum usum sequuntur, anxietas scilicet, cardialgia aut vomitus &c. Quod si vero ejectio illius non succedat, cruditates & flatus ex eo, propter digestionis debitæ defectum, gignuntur, quibus variis novis turbis ansa præbetur.

Noxa a cibis obtrusis

§. XIV. Noxam etiam nonnunquam ægrotantes, aut alii homines percipiunt, quibus usus ejus cibi vel potus interdicitur, quibus inde a tenera ætate sunt advesfacti, v. gr. usus vini moderatus, aquæ aut cerevisiæ, ciborum etiam digestu forte aliis difficilium, carnis fumo indurata, perna, usus acidorum, salforum &c. Quanquam enim causæ esse possint, quæ usum harum rerum dissvadeant, peculiare tamen jus consuetudo sibi in corpore ven-

a victu solenni
interdicto

ven-

vendicat, ita ut noxa tunc gravior perferentiscatur, si plane ab iis abstinere, quam si moderate iis utuntur: tanta enim ex subita hujusmodi diætæ mutatione in sensu Naturæ circa digestionem occupatæ oritur alteratio ac molestia, ut notabili ventriculi debilitate, immo non raro febri tertiana afficiantur nonnulli; sensibiliter vero iterum levantur ac roborentur, si pristina vivendi ratione ipsis uti concedatur.

a Venæsectionis aut scarificationis consuetæ usu prohibito.

§. XV. Merito huc referri debere putamus interdictionem venæsectionis aut scarificationis, si consuetæ fuerint. Quanta enim noxa, quantum periculum ægrotis inde imminet nonnunquam? Noxa vero, quæ ex venæsectionis & scarificationis neglectu resultat, eadem fere est, quæ hæmorrhagiæ narium autocraticæ, si suppressa illa fuerit. Videmus enim ejusmodi homines ad varias sanguinis congestiones, inflammationes, ac eruptiones, immo ad febres, capitis etiam dolores, rheumatismos, morbosque arthriticos, plerumque proclives esse.

Noxa a medicamentorum forma incongrua.

nimirum

ab abusu terreorum

§. XVI. Medicamentorum formam incongruam nonnunquam damna inferre posse, nemo facile negabit, qui perpendit, quod Capite præcedente disputatum fuit de singulari nonnullorum horrore, qui animum contra hanc illamve formulam subit. Quod si enim tale quid ipsis averfantibus obtruditur, similia fere ipsis accidunt symptomata, ac si venenum sumfissent. Nonnullis dulcia & saccharata noxia sunt, quæ sic adhibita varios motus incongruos producant. Nimiusterreorum ac absorbentium usus ventriculum gravat: in quo ea propter gravitatem subsident, & vel non alterantur, vel in muciditatem abeunt: quomodo vero non tantum variis ventriculi morbis

bis occasione esse possunt, sed humores etiam nimium incrassant & corrumpunt. Eadem fere pericula medicamenta, quæ largius propinantur nonnunquam pariunt, dum non fastidium tantum movent, sed molesta, etiam Naturæ in humoribus evadunt. Purgantia resinosa absque liquore quodam solvente congrue & utiliter non semper adhibentur; cum enim ab humiditate corporis resolvi nequeant, nec æqualiter distribui, accidit, ut parti cuidam intestinorum adhæreant, sensumque effrenum nonnunquam provocent, & ita hypercatharsin inducant. Opiata, quoniam vi stupefactiva pol-
 lent, sensum Naturæ ad tempus extinguunt, motus optimos compescunt, alvi urinæque excretiones naturales & necessarias sufflaminant, curationem non nisi incongruam reddere, nihilque nisi motuum vitalium perturbationem relinquere possunt. Adstringentia positiva inconvenientem curationem quam facillime secum ferunt. Quanquam enim nimius quidam fluxus, quem sisti oportet, & pars in tali fluxu adfecta usum eorum postulare videtur; quoniam tamen aliæ partes corporis vitales, ad quas adstrictio simul pertinet, vitium per ea faciunt, incongrue & sæpissime non sine damno applicantur: liber enim, constrictis vasis ac viis, humorum transitus per secretionis & excretionis organa interceptitur, stases, obstructiones & scirrhi generantur, ac hæctica, tumores, malum hypochondriacum, morbique hydropici &c. producuntur. Tandem etiam medica-
 menta incongrue composita, v. gr. adstringentia cum diaphoreticis mixta incongruum facillime effectum eliciunt: diverse enim & contrarie sensum adficiunt, naturam cum ad excretionem, tum retentionem simul stimulant: propterea Natura in tanta perturbatione vel in-


2.
purgantium
resinosorum

3.
opiatorum

4.
adstringentium

5.
incongrue
compositorum

constanter agit, vel motus nonnunquam contrarios instituit: videbis enim nunc sudorem emitti, nunc reprimi. Tam dubie, tamque ambigue omnia geruntur.



CAPUT VI.

DE

Noxa specialissima ex incongrua Curatione propter Naturæ sensum proveniente.

§. I.

Noxa ab ommissa materiæ peccantis correctione & intempestiva applicatione:



Stimulantium ad excretionem in morbis in genere:

Unc ad specialissimarum noxarum demonstrationem progredimur, & primo eas consideramus, quæ ex materia morbifica perperam considerata ac incongrue tractata, aut prorsus neglecta proveniunt. Neglectus materiæ ab iis committitur, qui absque ejus prævia debita præparatione seu correctione de ejus excretionem tantum solliciti sunt, & evacuationem meris stimulantibus moliuntur. Ex hac incongrua medicatione multi conatus frustranei a Natura instituuntur, quibus ea absque necessitate aut utilitate defatigatur, morbi que ordo naturalis invertitur. Quod si enim materia spissa est, ut per angustas viscerum aliarumque partium vias libere transire non possit; aut si tenax vel viscida partibus firmiter adhæreat, aut si, quanquam non penitus, ita tamen inclusa est, ut liber ipsi transitus non pateat; aut si humoribus ita quasi intertexta est, ut ab ipsis avelli necesse habeat; incongrue

grue Naturam ad materiam talem excernendam stimulari, noxamque inde necessario progredi, quis non intelligit?

§. II. Si ergo in febribus tertianis, aut etiam extra illas in ventriculi, intestinorumque cruditatibus vomitoria vel purgantia adhibentur, ubi materia viscida ventriculo, aut intestinis adglutinata est, operatio eorum, vel absque fructu perficitur, vel magnis Naturæ conatibus, ingentibusque massæ sangvinæ commotionibus, immo cum sanguinis expressione procedit, & ita vel hyperemesis, aut hypercatharsis producitur: quoniam Natura ad excernendum excitata, materiam ad motum tam ineptam vi, & collectis quasi viribus protrudere ac extorquere laborat.

§. III. In morbis cachecticis ac hydropicis, in quibus tanta subest lymphæ ac seri muciditas, ut propter vasorum angustiam, materiæ vero crassitiem vel difficulter, vel plane non per glandulas transire valeat, malum valde augeri potest, si absque debita lymphæ atque seri prægressa resolutione, stimulantia tantum & purgantia propinantur. Provocata enim ad excernendum Natura motum quidem circa glandulas contractorium suscipit, & materiam ad intestina protrudere molitur, materia vero ob crassitiem & tenacitatem sese protrudi non patitur. Interim dum Natura, ut humores ad intestina colligat, eosque deinceps evacuet, stimulantibus nihilominus sollicitatur, necesse est, ut id tantum adfluat, quod adhuc fluidum est & subtile, remanentibus partibus crassioribus & tenacioribus. Hac vero ratione humores crassi ac mucidi crassiores adhuc, spissioresque, immo ad ultiores viscerum læsiones ac obstructions magis idonei redduntur.

pellentium in
obstructioni-
bus mensium.

§. IV. In obstructionibus mensium, quæ a sanguine vel spisso, vel mucido oriuntur, incongrua est ea Curatio, qua sanguinis fluxus cum quadam quasi vehementia, per medicamenta menses positive pellentia urgetur, sanguine ad transitum prorsus inepto. Quis enim noxam exinde subsecuturam esse non perspicit? Manifestum quippe est, quod si sanguis majori vi in partes impellatur, & propter celeriores, qui a pellentibus producit, motum, majori copia in partes irruat, duo facillime emergant mala; primum est, ut plus sanguinis impellatur, quam propter ipsius segnitiam transire potest, ex quo necesse est, ut sanguis ille, qui transmeare tam cito non valet, stagnet, & ad varios affectus spleneticos, hypochondriacos, hystericos, spasmodicos, immo convulsivos ansam præbeat: secundum malum est, ut sanguis ille, vi in partes protrusus, propter spissescientiam in iis prorsus subsistat, easque obstruat; unde vel affectus scirrhusi, vel inflammationes provenire solent.

§.
In obstructio-
nibus hepatis,
lienis, nec non
malo hypo-
chondriaco ab
incongruo usu
(a) Martialium
quorum
virtus ac usus
simul osten-
ditur

§. V. Huc etiam pertinet illa medicandi incongrua ratio, quando quis obstructions hepatis, lienis, & malum hypochondriacum Martialibus curare conatur, nullo adhibito iudicio de vera horum adfectuum causa, & de modo, quo Martialia illa effectum suum præstant. Quamquam enim scopo aperitivo ut plurimum adhiberi soleant; manifestum tamen est, maximam eorum partem esse adstringentem. Et quanquam subtilissimi quid in Marte lateat, quod virtutem adstringendi nullam quidem, sed diaphoreticam aperitivam habet; id tamen in comuni martialium præparatione nequaquam ita separatur, ut non particularum adstringentium plurima intermixta maneant, eaque ipsa virtute subadstringente imprægnent. Quoniam

vero

vero non absq; causa auguramur, morbis illis, inprimis vero malo hypochondriaco plerumq; spastici quid subesse, partesque internas esse quadantenus adstrictas; propterea non immerito morbum per accedentia martialia facile augeri judicamus. Quod si objicias, experientiam ipsam testari, quod martialia apud spleneticos ac hypochondriacos sæpius cum fructu adhibita fuerint; & quanquam martialia positiue adstringentia locum non invenient, multum tamen illa conferre posse, quæ ita sunt comparata, ut non nisi lenem quendam contractionis sensum in ipsis fibris proliciant: hac enim ratione discussionem seu protrusionem humorum stagnantium promoveri commodè posse: respondemus; quanquam admodum caute medico circa martialium usum versandum esse putemus, non absolute tamen usum eorum damnamus 1) si debito modo præparata sunt, 2) si medicus certus sit, nullam stricturem viscerum, viarumque angustiam præsto esse, 3) si non hæmorrhoidum aut mensium fluxus promovendus sub his, de quibus nunc agimus, motibus lateat, & 4) si debita humorum præparatio ac resolutio præmissa, & facta est. Quod si enim hoc rite non effectum fuerit quid proderit, motum illum spasticum augere, ut materia stagnans propellatur, si illa ad motum est inepta? Equidem inficias ire non possumus, quod sanguis interdum in hæmorrhoidibus obstructis post martialium usum iterum fluat, & quod hypochondriaci ac splenetici levamen nonnunquam ex eo sentiant: hoc tamen apud eos tantum contingere solet, qui viis, porisque patentioribus gaudent, sanguinemque adhuc floridum, fluidumque habent; apud hos enim martialia fibras crispando s. ad lenissimam constrictionem disponendo, seu tonum, ut vocant, roborando, adeoque sanguinem exprimendo efficacia sunt.

Ubi vero humores fluiditate debita destituti sunt, contrarius effectus sequitur: immo quanquam humores etiam satis fluidi sint, tamen interdum major, quam par est, pororum obstructio seu constrictio, viarumque angustia & humorum retentio etc. effici potest, si martialia ista in maiori dosi, aut apud patientes valde sensibiles adhibentur. Ex his patet, quam anceps & dubia sit virtus martialium, quamque prudenter ac caute in usu eorum procedendum sit.

(b)
volatilium urinosorum

§. VI. Quicquid haecenus de martialibus diximus, id etiam de volatilibus urinosi in iisdem morbis dictum volumus. Quanquam enim etiam ea ad aperiendum vulgo adhiberi soleant; Excell. tamen D. D. Præses observavit, quod eadem ratione, ut martialia aperitiua quæ dicuntur, fibras nempe afficiendo, agant, & quod proinde in hæmorrhagiis nimis sistendis, cum fructu possint adhiberi. Ex hac eadem causa usum eorum in febribus dissuadere solet, retentionem materiæ febrilis, viscerumque corruptionem exinde præsagiens; id quod tumoribus oedematosis ordinariè subsequenter prodere sese soleat.

6
Corticis Chinae in febribus

§. VII. De abusu etiam Corticis Chinae aliquid dicendum erit. Hic enim sensum Naturæ admodum incongrue afficit, materiam febrilem intactam relinquit, eamque in partibus vitalibus ac glandulis, quas constringit, includit, ut adeo humorum in iis fiat stagnatio, partesque illæ obstruantur: unde deinceps febris quartana, malum hypochondriacum, hydrops, hæctica etc. sequuntur.

7
lithontripticorum in affectibus calculosis

§. VIII. Si Calculus renum vel vesicæ tantæ sit magnitudinis, ut per ureteres ac urethram transire non possit; aut figuram acutam vel aculeatam habeat, & lithontripticis impellatur, maxima sæpe noxa producit. Quemadmodum enim propulsio talis admodum incongrue suscipi-

cipitur, ubi succensus intentioni respondere nequit ; ita fieri non potest, quin magna motuum spasmodicorum, dolorificorumque exacerbatio sequatur. Calculus quidem e renibus in ureteres inducitur ; ast propter magnitudinem non educitur, illos vero valde extendens vel siacutus est saucians, ex dolorum acerbitate ægrotantem in mortis periculum præcipitat.

§. IX. Incongrue etiam materia in febribus malignis ab iis tractatur, qui per Venæ sectionem illam educere conantur. Quanquam enim venæ sectio, statim in primo principio, in corpore plethorico, instituta, multas avertere possit symptomatum exacerbationes ; attamen si vena curatiue in ipso febris typo secetur, febrim turbare, noxamque inferre, aut saltem frustra suscipi solet : id quod etiam de vomitibus ac purgationibus in illis excitatis, affirmamus. In his enim febribus materia adeo subtilis & halitiosa deprehenditur, ut crasso hoc euacuandi modo crassam quandam materiam supponente, excerni non queat. Insuper ea per uniuersam sanguinis massam ita diffusa est, ut cum illa sanguinis portione, quæ ex vena effluit, nequaquam exire possit. Accedit quod Natura hac ratione admodum in sua intentione turbetur ; quod in sequentibus demonstraturi sumus.

§
Venæ sectione
intempestive
instituta in fe-
bribus malignis

nec non vomito-
riorum &
purgantium
abusu

§. X. Quemadmodum ergo in morbis hucusque recensitis materiæ ratio plerumque non, ut æquum est, satis habetur ; ita multe contrario nimii sæpe sunt, in humoribus corrigendis aut alterandis. Et quoniam motuum omnium in morbis exorientium causam materiæ cuidam impuræ adscribunt, hinc ægrotum tamdiu alterantibus, ut vocant, seu corrigentibus defatigare solent, usque dum morbum ita alterent, id est, corrumpant, ut motus illi quidem cessent, alii tamen eorum loco, & peiores, qui-

Noxa a nimia
materiæ corre-
ctione & alte-
ratione.

quidem emergant; nisi forte Natura, dum corpus medicamentorum abundantia oppletum videt, universalem ejus expurgationem instituat, qua hæc medicamenta, ne humoribus noceant, ejiciat, eodemque labore ac opere reliquas impuritates, tanquam morbi fomitem simul evacuet: qua vero ratione sanitatis restitutio non nisi per accidens sequitur.

Noxa a Corruptionis falso suppositæ curatione

vel materiæ fictæ tractatione

§. XI. Quam infeliciter etiam illud curationis genus cedere oporteat, quod ob corruptionem humorum falso suppositam suscipitur, & ad quam subeundam eorum mixtio prorsus est inepta, quilibet intelliget. Quales corruptiones sunt fermentationes illæ humorum, quæ acrimoniam generare dicuntur, nec non obstructions illæ seu sanguinis stases, quæ in plurimis morborum speciebus pro morbi causis allegari vulgo solent; cum tamen nulla sanguinis vera stasis absque inflammatione contingere soleat, eaque tam frequens, præcipue in vasis neque concipi possit, si motus sanguinis progressui vehementia perpendatur. Neque magis prospere ille curationem suscipiet, qui sibi fingere velit materias, quas tamen ipse nunquam vidit, nec earum existentiam vel probabiliter euincere, nedum in corpore demonstrare potest. Cujus generis sunt materiæ, quas ex particulis ramosis, hamosis, rhomboideis conflatas esse fingunt. Quomodo enim hæ figuræ (1) in atomis, particulisque tantæ subtilitatis, ut oculum prorsus fugiant, concipi, & (2) in mixtione quadam constitutis locum invenire possint, intelligi plane nequit. Quod si ergo Correctio corpusculorum eorum, aut læsionum illarum, quæ in Corpore, & forte etiam in universa rerum natura non existunt, tam operose instituitur, & medicamenta in hunc finem frustra infunduntur; an non ejusmodi curatio pro incongrua immo noxia

noxia reputanda est, cum juxta eorum etiam, qui illa adhibent, sententiam in corpore quid ab iis alteretur? Certe quia illam, quam suspicati sunt materiam, quoniam in corpore non existit, aggredi nequeunt, aggrediuntur sanguinem, ceterosque humores, inprimis autem sensum Naturæ vitalem; qui quoniam molestus, aut incongruus tactus est, varias turbas, varios motus incongruos ac erroneos parturit.

§. XII. Nunc transimus ad explicationem ejus noxæ, quæ ex incongrua curatione respectu ipsius Naturæ ejusque motuum resultat. Et primo quidem loco collocamus eam curationis methodum, qua quis contra Naturæ intentionem morbi indolem quid machinatur. Hoc contingit venæ sectione in febribus adhibita. In his enim præcipua Naturæ operatio consistit in correctione vel in dissolutione cuiusdam materiæ, non vero in sanguinis sinceri excretionem, quam quidem operationem non aliter, nisi motu humorum progressivo perficere potest. Quod si ergo tanta motus humorum progressivi interruptio, tanta mutatio per venæ sectionem inducitur, ita confunditur, ac perturbatur Natura, ut typum, ordinemque in febre servandum, facillime amittat; præcipue cum idea de excretionem facta diu ipsi inhæreat, ad quam imitandam deinde semper proclivis esse animadvertitur. Hinc multo opus est studio & labore, ut Natura in ordinaria ac debita operandi ratione conseruetur; quare ejusmodi patientes, secata vena, in continua diaphoresi ac sudore servandi sunt, ut inæqualis sanguinis distributio, quæ per venæ sectionem effecta, motibusque vero febrilibus ordinariis impedimento est, auertatur; alias Natura facillime ad congestionem humorum, stasesque formandas, quæ ad hæmorrhagias tendunt, vergit; & quoniam raro ad effe-

Noxa ubi peccatur contra Naturæ intentionem & morbi indolem

& quidem
II
in febribus per venæ sectionem

etum perducuntur, motus facile in ea symptomata degenerant, quæ supra §. 5. Cap. præcedentis indicauimus.

2
in molimini-
bus hæmorrha-
giarum per
venæ sectionis
omissionem
& quidem
(a)
in moliminibus
ad hæmoptysin

§. XIII. Quemadmodum vero hæc, quæ jam explicata est noxa ex venæ sectione s. hæmorrhagia artificiali præter Naturæ intentionem instituta, oriri solet, ita noxa etiam insignis nonnunquam exsurgit, ex eadem intermissa, ubi Natura hæmorrhagiis adsveta, easdem sed inconvenienti loco, intendit. Ita enim accidit, ut, qui in pueritia narium hæmorrhagiis sæpius laborarunt, crescentibus autem annis illis destituantur, illi loco ipsarum compressionem quandam thoracis, aliaque circa pectus incommoda, tusim ficcā, raucedinem, & simul totius corporis lassitudinem sentiant: quæ molimina ad excretionem sanguinis hæmoptoicam spectare solent. Si hæc itaque Naturæ intentio a medico non perspiceretur, & ille morbum hunc vel pro simplici affectu pectorali, vel pro phthisico existimare, ægrotantique calida, Balsamica, Balsam. Sulphuris, oleum anisi, aliaque applicare vellet, sanguinis, quæ subsunt, commotiones iisdem valde augerentur, ac infelix ipsius eruptio per pulmones promoveretur; accedentibus deinde traumaticis seu antiphthisicis & adstringentibus, sanguis in pulmonibus extravasatus retineretur; ex quo inflammatio pulmonum peripneumonia, aut vomica, tandem vero phthisis sequitur. Si vero quis huic affectui, respectu materiæ & motus non incongrue obviam vellet ire, neque tamen, ut intentioni Naturæ, excretionem sanguinis molientis, conuenienti ratione satisfaceret, sollicitus esset, neque venæ sectionem institueret; ille vel frustra laborabit, vel leviter tantum symptomata palliabit. Quod si enim sensus Naturæ leviter tantum tangeretur & commotio quædam sanguinis
vel

vel ab animi pathematibus, vel a corporis motu, vel a potu vini, vel ab externo aeris calore existeret, natura statim pristinae intentionis memor, sopitum motum repeteret, ipsique deinde eo pertinacius insisteret.

§. XIV. Ita res etiam sese habet cum ceteris morbis, originem suam ex hæmorrhagia quadam vel intercepta vel neglecta ducentibus, v. gr. in capitis doloribus, inflationibus aut inflammationibus erysipelaceis, in dentium, auriumque doloribus, in hemicraniis, vertigine etc. quæ hæmorrhagiam narium suppressam vel immediate, vel demum elapso quodam tempore sequuntur: aut quæ etiam absque prægressa hæmorrhagia in corporibus plethoricis proueniunt; in his recensitis morbis, nec non in rheumatismis, motibusque spasticis & arthriticis universum corpus pervadentibus, in erysipelatibus periodicis, in apostematibus in corpore hinc inde emergentibus, in adfectibus scabiosis etc. a venæsectionum ac scarificationum consuetarum neglectu proficiscentibus: nec non in adfectibus hypochondriacis, spleneticis, flatulentis, colicis, ischiadicis, nephriticis, histericis, immo in ipsa arthritide, pleuritide spuria, podagra, gonagra, chiragra etc. ab hæmorrhoidum obstructione vel retentione, vel mensium suppressione enatis.

§. XV. In omnibus hisce enumeratis morbis, si venæ sectio, aut pro circumstantiarum discrimine scarificatio negligitur, nec pristina sanguinis euacuatio revocatur, partim ea noxa verenda est, quam in præcedenti §. indigitavimus, partim multa adhuc alia damna verenda sunt, incongrua inprimis curatione accedente, quæ intentioni Naturæ resistit. Et quidem 1) si medicamentis stupefactivis, narcoticis, opiatisque positivis ipsis occurratur, morbus ita invertitur, ut motibus illis adfectus

(b)
in molimini-
bus ad hæmor-
rhagias narium

(c)
in molimini-
bus propter ve-
næ sectionis æue
scarificationis
neglectum in-
stitutis

(d)
in molimini-
bus hæmorrhoida-
libus & men-
struis

§.
per ipsum præ-
posterum usum
medicamentorum

(a)
stupefactivorum
10. narcoticorum

(b)
Antiscorbuti-
corum acrium

(c)
neruinarum
calidorum,
volatilium ole-
osorum

(d)
martialium

(e)
carminatiuo-
rum calidorū,
spirituosorum

(f)
acrium pellen-
tium

Noxa ubi agi-
tur contra mo-
tus utiles ne-
cessarios & qui-
dem

1.
in febribus in-
flammatoriis
per narcotica
2.
in aliis febrili-
bus

foporosi, vertigines, imbecillitas memoriæ, partium tre-
mores, paralyfes, ariduræ, succedant. 2) Si nonnulli eo-
rum, ut rheumatismus, motusque spastici & arthritici
pro scorbuto reputantur, & adversus illos medicamenta
antiscorbutica, acria, cum regimine sudorifico adhiben-
tur, morbi humorum nimia commotione, valde augen-
tur. 3) Quod si etiam adversus eosdem medicamenta
neruina nimis calida, volatilia, oleosa applicantur, quam
incongrue id fiat, quilibet perspiciet, qui ad motuum eo-
rum indolem respicit, & ad sanguinis commotionem,
quæ cum hisce morbis conjuncta esse solet. Id quod ex-
perientia comprobatur. Omnia enim eo curandi modo de-
teriora efficiuntur, dolores exacerbantur, morbusque
fouetur & protrahitur. 4) Adfectus hypochondriacos,
spleneticos, hepaticos, martialibus incongrue tractari, &
quæ inde noxa veniat, supra §. 5. jamtum expositum fuit.
5) Si in adfectibus colicis ac flatulentis ex prædicta causa
enatis calida carminatiua, spirituosas adhibentur, flatus
multiplicantur, passioque colica potius augetur, quam
imminuitur. 6) Adfectus ischiadici atque nephritici, si ex
errore pro calculo habentur, & medicamentis calidis, acri-
bus, pellantibus corrumpuntur, in mictum cruentum
& calculum abeunt.

§. XVI. Noxa etiam gravissima esse solet, quando
curatio immediate contra motus, in morbis sese exseren-
tes, instituitur. Si quis in febribus inflammatoriis, pleu-
ritide, peripneumonia, hepatitide, nephritide etc. mo-
tum inflammationis, & ex eo provenientes dolores nar-
coticis sopire susciperet, mortem inferret. In aliis etiam
febribus tam in malignis quam in benignioribus, opiatorum
usus, pro circumstantiarum discrimine vel funestus, vel
certe noxius deprehenditur. Hinc Sydenhamius experien-

tia

tia doctus & fretus, eorum usum in febrium incremento atque statuprohibet, & ante nonum vel duodecimum diem absque noxa abhiberi ea non posse testatur. Qui per opiata mederi febribus conantur, iis videntur similes, qui dum quendam a latronibus inuasum, eumque in vitæ periculum coniectum viderent, opem ipsi allaturi, accederent, ac manus ipsius pedesque ligarent, ne contra hostem suum agendo, robur, viresque perderet, sed ut integris viribus trucidaretur. Ita sane comparati sunt, qui hostem Naturæ, materiam nempe febrilem, prætereundo, motibus tantum febrium aut inflammationum utilibus, immo necessariis, narcotica opponunt. Hoc non de ea tantum curationis methodo intelligimus, qua contra universum morbum pugnatur, sed etiam, si medici intentio in usu opiatorum aduersus nonnulla tantum symptomata directæ est, v. gr. aduersus agrypniam, anxietates, capitis dolores etc. Virtus enim narcoticorum ad certas tantum corporis partes restringi non patitur, sed per universum motuum vitalium negotium sese diffundit. Noxa, quæ exinde promanat, ex hætenus dictis facile cognosci potest. Necessary enim motus vel sufflantur, vel omnino suspenduntur, & segnities ac stupor in ipsam etiam Naturam inducitur, quo illa muneri suo recte obeundo impar euadit. Inprimis alui obstipatio, ac suppressio urinæ infelici ut plurimum successu, sequuntur, ægrotantes languore somnoque lethargico circa dies excretionis adficiuntur, aut ad febres lentas ac hecticas præparantur: in inflammatoriis vero corruptio sphacelosa in parte adfecta facillime succedit.

§. XVII. In scorbuto, in lue venerea, in ulcere pedum, scabie, crusta lactea etc. noxa efficitur, si repellentia adhibentur, unguinosa, pingvia etc. si quidem hac ratione fe-

in quibusdam
aliis morbis
per repellentia,
unguinosa
pingvia

bres, tum ores, asthma, surditas, coecitas, epilepsia, tussis, phthisis, multaque alia incommoda facile gignuntur. In Actis Nat. Curios. Ann. ll. pag. 314. recensetur, dysenteriam lethalem, ob ulcus pedum curatum; item epilepsiam propter eandam causam; ex scabie sicca retropulsa, asthma & hydropem; ex scabie humida Dispnoeam, & paullo post suffocationem, exorta esse.

⁴
in vomitu

⁵
in diarrhoea

⁶
in hæmorrhagi-
is per adstrin-
gentia & opiata

§. XVIII. Vomitus præmature cohibitus relinquit cardialgiam, ventriculi imbecillitates, turbas circa digestionem, languorem totius corporis, aut febrim tertianam. Diarrhoea intercepta parturit passiones colicas, flatulentas, abdominis duritiem, capitisque perturbationem.

Noxa, quæ ex hæmorrhagia narium, & fluxu hæmorrhoidali, aut mensium, adstringentium vel opiatorum usu inepte suppressis, promanare solet, ex superiori § 11 peti potest.

Noxa, quæ ex
motuum erro-
neorum
promotione
venit, & quidem

¹
in Congestione
humorum circa
caput

§. XIX. Quemadmodum ergo læsiones tam variæ, tam graues oriuntur ex operationibus, quæ adeo necessariae, utilesque sunt, impeditis: ita noxa etiam non levis inde est, si operationes illæ erroneæ promouentur. Hoc accidit, si in congestionibus humorum circa Caput & in catarrhis, exinde resultantibus, errhinorum ac sternutatoriorum abusu adfluxus humorum augetur, & confirmatur, qui potius deduci aliorsum debebat. Et quamquam iis usurpatis euacuatio quædam, hanc vero leuamen quoddam subsequi videatur, non diutamen illud durat; siquidem qui iis utuntur leuissima quadam irritatione, humorumque commotione exorta, eodem adfectu denuo corripiuntur. Quid? quod repetita sæpius tali congestione, tanta, vel in partibus continentibus, ac solidis, vel in partibus contentis ac fluidis corruptio provenit, ut nulla denique plenaria illius adfectus cessatio locum amplius inueniat.

§. XX.

§. XX. Eadem videntur metuenda in congestioni-
bus humorum circa pectus, seu in adfectibus pectorali-
bus, quando expectorantium, ut vocant, abusu adflu-
xus humorum ad pulmones, & excretio muciditatis per
illos promovetur: hac ratione enim efficitur, ut Natura,
ductum horum medicamentorum sequens ordinaria,
excretionis loca relinquat, atque omnem muciditatis far-
raginem per pulmones educere laboret; quod absque
visceris hujus periculo, ac absque phthiſeos subsecuturæ
metu fieri nequaquam potest.

2.
in congestio-
nibus humo-
rum circa
pectus

§. XXI. In humorum ad renes congestione, inpri-
mis vero in inflammatione renum erysipelacea, quam
nephritidem vocant, non minus insignis, sæpiusque ir-
reparabilis noxa producitur, si quis ex errore hunc affe-
ctum pro calculo habet, pellentibusque diureticis & li-
thontripticis calculi expulsionem machinatur. Quoniam
enim dicta medicamenta acredine quadam pollent, pri-
mo irritationem in renibus efficiunt, humorumque afflu-
xum copiosorem reddunt, porro etiam renes, eorum-
que tenuia vasa corrodunt, & sanguinis extravasationem
ac effluxum seu mixtionem cruentam producunt. Dum
vero vulnusculum renibus inflictum, ob continuam hu-
moris salſi & urinofi transudationem ad consolidatio-
nem pertingere non valet, in ulcus abit, cujus sanies
cum salina mucidaque urinæ parte concreſcens, primum
escharam, deinde vero calculum, qui absque tali incon-
grua medicatione non ortus fuisset, format, ægrotan-
temque ad sempiternos quasi dolores damnat: quan-
quam enim calculus semel avulsus ac excretus est, alius
tamen illi succedit, novusque ex eadem materia semper
producitur.

3.
in congestione
humorum ad
renes

§. XXII. Hæc pro instituto nostro indicasse suffici-
ant; Conclufio
huius tracta-
tionis

ant. Qui ulteriorem harum rerum cognitionem ac informationem solidiorem desiderat, ex Dissertationibus Excell. D. D. Præsidis illam haurire poterit, ad quas B. L. dum sermonem de læsionibus ab incongrua curatione inflictis finimus, merito remittimus.

CAPI. VII.

DE

*Methodo medendi, qua sensus Naturæ
incongruus vel molestus evi-
tatur.*

D. L.

Methodus me-
dendi generalis

ostenditur

१५३

Demonstratis itaque læsionibus, ex incongrua medicatione propter sensum incongrue motum, Naturæque molestim proficiscentibus, adjiciendum quidem aliquid esset de methodo & ratione, qua medico in reparandis ejusmodi læsionibus utendum sit: quoniam vero hoc instituti nostri ratio non permittit, præterimus jam hanc tractationem, allegata tantum egregia Excell. D. D. Præsidis de Morbis corruptis Dissertatione, qua ille Therapiam harum læsionum suo more, id est, solidissime tradidit. Propterea in id potius enitemur, ut methodum medendi, quam in terminis tantum generalibus demonstramus, qua sensus Naturæ adversus seu incongruus evitari possit.

Sensus Naturæ
adversus seu in-
congruus e-
vitatur. /

§. II. Hoc quidem quam optime Medicus præstabit, si talem se exhibiturus est, qualem Cap. III. §. 9. depinximus, nempe si curationem ita instituat, ut ea cum o-
pera-

pera-

perationibus Naturæ conveniat, atque adeo medicamenta congrua adhibeat; sic enim iucundum in Natura excitabit sensum; quo facto cupide auxilium, quod ipsi offertur amplectentem, & ad quascunque operationes subeundas promptissimam illam, ac obsequentem inveniet.

§. III. Dum autem nobiscum hæc pensitamus, gravissimum sese prodit obstaculum, curationem congruam vel prorsus impossibilem, vel difficillimam reddens, theoria nempe plurimorum de homine, de vita, de morbis, falsa, Medicorum seductrix, ægrorantium vero flagellum. Quis enim non perspicit, quanti errores, quanta incertitudo, quanta mendacia in tanto opinionum discrimine committantur, quæ certissima damna in praxin medicam non possunt non inferre. Hoc non ab ipsa medicæ artis veritate dependet, ac si illa in se spectata, tam obscura sit, ut perspicui non possit, sed tenebricosa ac corrupta plerorumque mens in culpa est, quando quis non tam veritatis cupidus deprehenditur, quam contentus, si modo doctrina qualicunque imbuatur, quæ titulo doctrinæ medicæ recepta sit: aut quando quis curiositate, magis, quam veritate delectatur. Quoniam vero evidētissimum est, conclusionem veram ex falsis præmissis per se provenire non posse, adeoque salutem ægrorantium in doctrina falsa seu imaginaria periclitari; hinc quemlibet, qui morbis mederi instituit, obstrictum esse, putamus, ut illam de homine habeat cognitionem & sententiam, quæ sufficienti veritatis testimonio & in animo ipsius, & præcipue ab experientia stabilita, & comprobata sit. Quod si vero quis de veritate suæ doctrinæ per praxin dubius factus est, ille in conscientia obligatus est, omnem operam adhibere, ut meliori & certiori cognitione imbuatur; quam deinde vel ex viva manu-

Difficultas
curationis
legitimæ

eiusque causæ

ne, vel ex eorum scriptis petere debet, quorum doctrina seu theoria experientiae, certisque phaenomenis practicis superstructa est, hanc enim si sequatur doctrinam, suamque faciat, certus esse potest, suam, quam possidet theoriam cum re ipsa convenire.

Sigaa theoriae
falsae

§. IV. Documentum autem theoriae vel falsae, vel saltem inutilis ac supervacaneae nobis sit, si doctrina de motu, quae lux est, & anima in cognitione medica, incongrue traditur, motusque corporis & animi tam longe ab invicem separantur, ac si nulla ipsorum unio aut copula intercederet, animaque in corpore frustra lateret, aut tantum somniaret. Verendum est, ne si anima in theoria a corpore separetur, separatio illa multo magis in ipsa praxi fiat, si quidem praxis theoriae debet correspondere.

Querela de
medicinae cor-
ruptelis

§. V. Non possumus non hac occasione dolorem nostrum, quem ex tanta in perniciem aegrotantium, sentiendi libertate percipimus, hisce contestari. Nobile enim est subjectum, Creatura Deo cara, circa quam medici versatur cognitio & cura. Dolemus etiam illam plurimorum audaciam, qua hausta quadam, ast non sufficienter expensa cognitione, pro lubitu in corpus & vitam hominum agant, cujus tamen ultor, si frivole laeditur, Deus esse solet. Non mihi unquam persuadere possum, tantam homini a Deo, qui veritas est, qui mendacia odit, libertatem esse concessam, ut credere ipsi liceat, quicquid velit, & pro vero venditare, quicquid specie quadam plausibili queat colorari. Quodlibet enim peculiari suo gaudet fructu: veritas solatium ac utilitatem; mendacium vero, sive crassum illud sit, sive subtile, eo, quod mendacium est, semper nocet, verumque hominibus bonum conferre neutiquam valet. Hinc conscientia Medici Christiani sub hoc quam maxime versatur, ut sollicitus sit,

& modus eam
tractandi

fit, non tantum de cognitione ac doctrina, sed de ea vera atque utili, qua potens evadat, ad illius ductum curationes suas congrue ac salubriter instituere. Quicumque vero cognitionis suæ, quam mente concepit, veritatem, in experientia ipsa, ac praxi, oculis quasi quotidie cernere potest, ille habet, de quo sibi gratulari, Deumque laudibus prædicare debet.

§. VI. Posito itaque fundamento, cui curationes inniti oportet, solido, necessarium est, ut Medicus & corporis & Naturæ indolem, ipsiusque in corpore opus probe perspectum habeat, ut, quæ ipsi convenient, vel non, & quænam ipsa abhorreat, aut admittere velit, recte intelligat. Tunc porro perspiciat intentionem scopumque Naturæ in quolibet morbo præfixum, quidnam in singulis eorum operari aut efficere secum constituerit; quibusnam organis, & per quas vias ad finem tendere & pertingere soleat, quinam motus proprie ii sint, quorum beneficio effectum assequitur, quinam vero accidentales quidem, ita tamen comparati sint, ut ab istis essentialibus separari sese non patiantur. Tunc enim eo melius discernere poterit, quinam motus noxii, erronei, supervacanei appellari debeant, simulque quid agendum vel omittendum sit, facile patebit.

Officia Medici

1.

Corporis & animæ indolem intelligere

2.

Naturæ intentionem ex motibus cognoscere

§. VII. Necesse tamen est, ut motus supervacaneos ac inutiles a noxiis sedulo distingvat, illosque, nisi cum pace Naturæ tolli possint, toleret. Equidem optandum foret, ut non nisi necessarii ac utiles producerentur: quoniam vero hominis post lapsum proprium est, EXCEDERE: ita motus etiam tales non semper secundum necessitatis proportionem succedunt; satius tamen est, superflui quid, quanquam ægrotanti molestiam pariat, patienter ferre, quam Naturam perturbare & multos adhuc alios noxios superinducere.

Motus naturæ a se invicem distinguere

4.
Consuetudinis
rationem ha-
bere

§. VIII. Inprimis autem in motibus peruestigandis, ad consuetudinem attendat: magnum enim est, quod illa sibi in corpore jus vendicat; & dum consuetudo altera quasi esse solet Natura, nequaquam ipsi immediate resistendum est: siquidem Natura consuetudinem tenerrima fovet & obseruat sensibilitate. Quid? quod motus illi alias quidem pessimi effectus, malignitatem quasi exuant, dum per consuetudinem in Naturæ quasi gremium recepti sunt, ita ut tranquille, & absque ulla perturbatione a Natura exerceantur, & proinde metus periculi cujusdam subsecuturi prorsus abesse possit.

5.
Accommodare
se medicamen-
tis naturæ &
morbi indoli
ac proposito

§. IX. Morbo rite perspecto, curationis methodum eam subjungat, quæ morbi indoli naturæque intentioni convenit, & quoad fieri potest, iisdem motibus, quos ipsa Natura produxit (nisi ea forte ex errore agat) prudenter, & cum judicio medico ad curationem perficiendam utatur.

6.
Violentiam
vitare

§. X. Ab omni violentia, nisi necessitas iubeat, omnino abstineat, neque sensum, præcipue in acutis nimis pungat: omnia vero, quantum fieri potest, tranquille, debitisque adhibitis gradibus componat, & amice cum natura agat.

7.
Medicamento-
rum vim ex-
ploratam ha-
bere

§. XI. medicamenta, quæ adhibere solet, probe habeat explorata, quomodo sensum Naturæ afficiant, & quantum in corpore agant, ut de eorum efficacia tutus semper, atque certus esse possit. Ab illis vero, quorum effectus anceps, incertus, vel nonnunquam noxius est, prorsus abstineat.

8.
Modum tenere
in adhibendis
medicamentis

§. XII. Tutius etiam procedet, si doses medicamentorum paruas adhibebit, sæpius illas repetendo: ita enim Naturæ sensus non nimius provocatur; sed successive illa, ac tranquille ad operationes desideratas subeundas perducitur.

9.
Se ipsum, &
curationem
suam Deo
committere

§. XIII. Ceterum universam curationem sub præsidio Altissimi administret, eique animum præbeat tranquillum, sobrium, pium, quem ille sancto occultoque Gratia suæ ductu, in cognitionem, in quolibet morbo necessariam, ac in veritatem perducere queat. Accidit enim, ut quis, optima etiam cognitione imbutus, si circa particulares morborum circumstantias, & circa individua versatur, a cognitione & consilio nonnunquam deferatur, & in errores delabatur, nisi tenebrarum nebulae a supremo lumine in anima discutiantur.

